

Prome Minister Evelyn Wever-Croes:
 Gobierno di Aruba a reuni
 cu CAFT

**CAFT TA RECONOCE CU GABINETE
 WEVER-CROES TA TUMANDO PASONAN
 PA SOLUCIONA E PROBLEMA FINANCIERO
 DI ARUBA**



**MARECHAUSSEE TA HAYA
 UN LOTE DI DROGA NOBO
 RIBA BARCO DI MARINA**



**Dama a bolter cu su auto na
 luznan di trafico di La Fama**



**Pelea na un cas a caba
 cu dos persona deteni y
 un persona herida**



Parlamentario Endy Croes:

**CAFT TA DUNA
 ADVIES PA
 AANWIJZING,
 APESAR DI A BAHAMAN
 DEFICIT DI MIKE
 EMAN DI 405 MIYON
 NA 2014 PA 25
 MIYON DEN 2019"**



Pelea na un cas a caba cu dos persona deteni y un persona herida



Diabierna den oranan di marduga presencia di polis a wordo pidi cu urgencia na un adres na Tanki Leendert, pa un pelea cu tabata bayendo for di man.

Na yegada e agentenan policia mesora a bay atende cu e personanan involvi den e pelea.

Poco rato despues dos persona a keda deteni y mesora e agentenan na e sitio a pidi pa presencia di dos auto pa transporta e dos personanan deteni pa warda di polis. Tabata trata di e dos personanan cu tabata bringando cu otro.

Un dama cu a wordo maltrata durante e pelea a keda herida y el'a wordo hiba cu auto di polis pa hospital pa asina ricibi tratamiento medico.

Nissan Sentra cumpra un rato prome destrui den cura di cas



Diadomingo merdia polis a wordo solicita na un adres na Sero Blanco, unda destruccion a wordo cometi na un auto.

Na yegada di polis e doño a splica polis cu un ora pasa ela caba di e cumpra e Nissan Sentra, y a trece stacione den su cura di cas.

Un rato despues a bay pafo pa mira e auto y ta haya un sorpresa nada agradabel. Desconocinan a destrui tanto e Windshield y e back shield di e auto.

Mesora ela notifica e persona cu ela cumpra e auto for di dje y e tambe a presenta pa mira e situacion.

Durante oranan di marduga: Adictonan a kibra y drenta Layex Building



Diabierna marduga polisnan a bay Layex Building, unda cu un of mas adicto a kibra candalnan di e rolluik y drenta. E negoshi cu tabata tin mester di dje ta La Estrella, unda hende por hiba cosnan di balor y por empeña esaki. Segun testigonan, nan a mira un adicto cu T-shirt cora sali ariba bicicleta y a bay direccion di Caya G. F. Betico Croes.

Polisnan hunto cu e compania di Security a controla y a tuma datos di loke a sosode. Tambe a tira bista rond, pero no a logra topa cu e adictonan.

Durante dia e negoshi lo mester tene un inventario chikito pa mira kico tur por a wordo horta.



Adicto C. Dirksz haya cu cosnan horta den negoshi na Layex Building



Diabierna mainta polisnan a keda tira bista rond den Rancho pa e adicto of adictonan cu a kibra drenta den Layex Building. Patras di Pandera Moderna a bin topa cu e adicto Dirksz cu ta conoci pa Husticia.



Den su posesion e tabata tin un bicicleta y tambe polis a haya cosnan cu a wordo horta den La Estrella.

Ey mes el'a wordo deteni y hiba warda di Playa

Auto a dal un homber riba bais, e ciclista a keda herida y mester a bay hospital pa tratamiento medico



Brasil: Diabierna den careda di 9'or di anochi, presencia di polis y ambulance a wordo pidi

cu urgencia pa un auto cu a dal un bais y e homber cu tabata riba e bais ta herida, esaki a sosode na

altura di Dream House na Brasil.

Na yegada enberdad nan ta bin topa na e sitio cu



un ciclista herida, e dama cu tabata stuur e auto cora aparentemente pa un of otro motibo no a mira e bais y a dal esaki, e impacto tabata un poco fuerte cu e homber riba e bais a cay abou.

Despues cu personal di ambulance a haci un

checkeo medico cu e victima na e sitio, nan a dicidi pa miho hib'e Imsan na San Nicolas pa un control medico mas avansa, mirando cu ela haya basta golpi na cabes y tabata tin varios rasca na su curpa.

Dama a bolter cu su auto na luznan di trafico di La Fama



Diadomingo marduga esnan na Citgo Oranjestad a pasa den susto di nan bida.

Un dama chauffeur biniendo for di pariba pa sigui pa Van Leeuwenhoekstraat a

perde control cu su auto na e luznan di trafico. Pa un of otro motibo e auto KIA a subi e acera ranca



luz di trafico pa despues bolter y keda di banda.

Polisnan cu a yega mesora a pusha e auto ariba su cuatro wielnan bek. Por a mira tambe cu e dama a logra sali di e auto y tabata sinta abao,

wardando ambulance.

Na yegada Paramediconan a controla e dama na e sitio. Velocidad halto posiblemente a hunga un rol.

DURANTE PELEA DI PAREHA, MUHER A HINCA HOMBER CU UN OBHETO SKERPI



Na Seroe Biento a tuma lugar diadomingo den careda di 4'or di marduga, algun persona a wordo stroba di nan soño. Esaki na momento cu un pareha bisña tabata bringando

formalmente den cas. Mesora e personanan aki a bati alarma.

Na yegada polis a bin topa cu un homber full na sanger. E homber tabata tin varios hinca na

curpa y tabata sangrando bastante. Tambe na e sitio nan a bin compronde cu e dama despues di tanto bringamento a cansa y a pasa man pa un obheto skerpi y a hinca e homber



varios biaha.

Polis na prome instante a detene e homber y despues a pidi pa presencia di ambulance. Despues cu

personal di ambulance a trata e homber na e sitio, nan a transport'e pa hospital pa un tratamiento medico mas avanza.

<div style="display: flex; justify-content: space-between; align-items: center;"> <div style="text-align: center;"> <h2 style="margin: 0;">SUPER SHOPPING SALE</h2> </div> </div>		
<ul style="list-style-type: none"> ~ All clothing for babies, children, men and women (above avg. 10) ~ All shoes for children and adults ~ Curtains for hall, kitchen and bathroom (above avg. 15) ~ All mats for indoor and outdoor ~ All comforter & comforter sets ~ Houseware items ~ All Kitchen items 	<h1 style="font-size: 100px; margin: 0;">50%</h1> <h2 style="font-size: 24px; margin: 0;">Y NO BBO!!</h2>	<ul style="list-style-type: none"> ~ Paña di baby, mucha, hende homber y muhe (pariba di avg. 10,-) ~ Tur sapatu pa mucha y hende grandi ~ Tur Cortina di sala, cushina y baño (pariba di avg. 15) ~ Tur tapijt ~ Tur Comforter ~ Artículo di cas ~ Tur Artículo di cushina
<ul style="list-style-type: none"> ~ All Towels & napkins ~ All Bedsheets ~ Sofa y mattress covers ~ All Car accessories ~ Plasticware ~ Furniture Items ~ Curtain Rods ~ Toys 	<h1 style="font-size: 100px; margin: 0;">25%</h1> <h2 style="font-size: 24px; margin: 0;">Y NO BBO!!</h2>	<ul style="list-style-type: none"> ~ Tur Serbete y napkins ~ Tur paña di cama ~ Sofa y mattress covers ~ Tur Accesorio pa Auto ~ Articulonan di plastic ~ Tur Mueble ~ Palo di Cortina ~ Coi hunga
<ul style="list-style-type: none"> ~ All electronics y appliances ~ All luggage 	<h1 style="font-size: 100px; margin: 0;">15%</h1>	<ul style="list-style-type: none"> ~ Tur electronico y appliances ~ Tur maleta
<div style="display: flex; justify-content: space-between; align-items: center;"> ADDRESS: OOSTSTRAAT #5, ORANJESTAD FREE PARKING! PARKING GRATIS NET BANDA DI NOS NEGOSHI TEL: 5822818 </div>		

Polis a cera parti di Schotlandstraat ya cu tabata tin hopi azeta basha ariba caminda



Diabierna den oranan di mainta polisnan mester a cera un parti di Schotlandstraat, pa motibo cu un biaha mas e compania Aruba Waste Cooking Oil a haye den problema.

Algun tempo pasa un situacion casi similar a presenta. Pero e biaha ey un truck a laga azeta basha ariba su ruta pa e negoshi, causando hopi daño y tambe basta trabao pa haci'e limpi.

Diabierna mainta mala suerte a bolbe bati na porta di e compania aki, unda cu no por bisa sigur si ta un cranchi pa descuido a keda basha. Tambe por pensa den direccion di antisocialnan cu por a subi e tereno y causa e problema aki.

Departamento di D.O.W tambe mester a bay e area pa asina benta tera blanco ariba caminda. Polis a notifica D.T.I y tambe lo pasa pa haci nan banda di medaya.

Un gasto grandi atrobe y no ta sigur ariba ken e lo cay.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

Ladron a haya auto cla pa horta

Diarazon mainta banda di 11:00 un patruya di polis a wordo dirigi na un cas na Parkietenbos pa ladronia di un auto.

Na e sitio ta papia cu e homber di inicial S. kende ta muestra cu e ta doño di un auto Toyota Tercel blanco cual auto el a staciona banda di su cas 10'or diamars anochi.

E denunciante ta splica polis cu el a laga yabi di e auto gewoon den e auto y no a cera e auto na lock y a bay drumi pero ora diaranson mainta el a lanta pa bay na e auto, el a ripara cu nan a bay cu su auto.

Den e auto e tabatin su cartera cu contenido, su rijbewijs y su kaarchi di AZV cual tambe a ladron a bay cune y aki por bisa cu e ladron a haya e auto cla cla pa djis dreña y bay cu esaki.

Polis a tuma tur informe y a pone central na altura.

Auto horta for di bao dak

Den oranan di marduga diarazon ultimo, polisnan ta wordo dirigi pa un cas Pos Abao caminda nan a horta un auto y ta trata di un GPS Sigma 180 colornan preto, blanco y cora.

E señora di inicial K. a declara na polisnan cu el a staciona e auto bao di su afdak na e parti patras di su cas na Pos Abou diamars ltimo y den oranan di atardi diarazon siguiente, el a ripara cu nan a bay cu su auto.

E tin un brommer tambe bao di e dak aki pero esaki tabata na yabi y nan no a horta y a muestra polisnan cu su auto tin un deuk na parti drechi di e auto. Segun version di e señora, su bisiña a informe cu banda di 2:30 di marduga el a mira un pick-up blanco a core bay for di dilanti di su cas y a base di grabacion di un camara di e bisiña, nan a mira pick up aki core bay.

Polis a tuma declaracion di e denunciante y e caso lo sigui wordo investiga.

Homber blanco cu krul kibrando den casnan

Diarazon anochi polisnan mester a bay na Madiki Kavel caminda lo tin denuncia a dreña cu lo tin hende tirando piedra riba e casonan.

Na e sitio polisnan ta papia cu varios persona cu ta biba den vecindario kendenan ta declara cu diamars ultimo un hende a destrui un bentana di un cas pa dreña paden pa horta.

Segun nan declaracion e mesun tipo sospechoso aki ya a yega di comete diferente ladronia den e barío aki y a trata di un tipo color blanco cu cabey di krul y semper ta cana c'un rugtas.

Na mes momento nan a splica polisnan cu e tipo aki ya a horta na varios ocasion den casnan den e barío y a duna polisnan un discipcion di e anti social aki.

Polisnan a controla den vecindario pa mira si ta topa cu e sospechoso aki pero no a logra y a pasa informacion pa central di polis.

Antisocial a kibra y horta den auto

Diamars mainta algo prome cu 6'or central ta dirigi un patruya pa un caso di kiebro y ladronia den un auto den Jupiterstraat. Na e adres menciona polisnan ta papia cu e homber di inicia I. kende ta declara cu dialuna anochi 21 di Oktober, el a staciona su auto Hyundai Getz color blauw, riba e birada dilanti di su cas y a laga e auto intacto.

Diamars mainta ora cu el a spierta banda di 5.10, el a bay na e auto pa saca algun cos y a bin ripara cu desconocirnan a kibra un bentaha chikito na e parti robez di e auto. El a nota cu nan a coba den e auto y ta ripara cu nan a bay cu algun comestibel y tambe un cartera y un paar di zapato y cu esakinan ta di su pertenencia personal y a bisa polisnan cu e no a duna ningun hende permiso pa bay cu e cosnan aki.

Polisnan a tuma declaracion di e homber y tambe a informa central di polis di loke a sosode.

CAft: “Aruba te ainda no ta tumando suficiente medida pa logra mehoramento sostenibel di finanzas publico”



Te ainda no tin suficiente bista riba un mehoramento sostenibel di finanzas publico di Aruba. A base di e di dos reportahe di ehecurion Colegio di supervision financiero di Aruba (CAft) ta spera cu lo alcanza e norma di deficit acorda pa aña presupuestario 2019, pero ta trata di mas cu esey: den e protocol di cooperacion entre Aruba y Hulanda a stipula explicitamente cu tambe e gastonan y entradanan subyacente mester contribui na sostenibilidad di finanzas publico. Asina, por ehempel, e gastonan di personal mester keda denter di e norma acorda di 479 miyon florin.

Conseho pa duna instruccion
Dia 23 di September 2019, a base di e Ordenansa Nacional tocante Supervision Financiero Temporal di Aruba (LAft), como parti final di un

trayecto extenso di scucha otro bilateralmente, CAft a manda Consejo di Ministro di Reino un conseho pa duna Aruba un instruccion.

A constata cu Pais Aruba no ta tumando suficiente medida pa logra mehoramento sostenibel di finansa publico. Den esaki ta esencial pa aplica e norma di gasto di personal stipula den e protocol di cooperacion Aruba – Hulanda 2019 - 2021 di dia 22 di November 2018 y pa pone den practica e reforma fiscal. Dependencia di entrada incidental ta demasiado grandi, locual ta trece riesgo cu ne.

Gasto di personal
Referente na e bahamento di gasto di personal cu tin premira, e protocol entre Aruba y Hulanda ta stipula cu e gastonan di personal -incluyendo e contribucionnan di e dunadonan di trabou- lo

por monta te maximal 479 miyon florin na 2019. En bista cu e gastonan di personal di e Fondo Presupuestario Provisional pa e Plan di Crisis Social (IBSCP) ta cay bao di e norma di gasto di personal aki, lo mester economiza adicionalmente na 2019 pa por cumpli cu e norma. Consejo di Ministro di Reino lo dicidi tocante e asunto aki.

Recientemente CAft a realiza, den consulta cu Gobierno, un analisis di e gastonan di overtime den e servicionan publico unda overtime ta mas comun. A entrega Gobierno e resultadonan di e analisis aki. CAft ta spera cu e conclusionnan y recomendacionnan lo ta di ayudo pa determina con pa deal cu e gastonan di personal demasiado halto.

Reforma fiscal
Cuminsamento di e aña

aki a inicia un reforma fiscal den cual ta modifica y, na unda ta posibel, ta simplifica e sistema di recargo y impuesto. Te aworaki a pone den practica solamente un parti di e plan di reforma fiscal, door di cual ta existi e riesgo cu lo no realiza suficientemente e entradanan incremental di mas aña previsto.

Presupuesto 2019 y 2020
Den su reaccion riba e di dos reportahe di ehecurion di 2019 CAft a indica cu e ta spera cu e saldo di financiacion di e sector colectivo na fin di aña lo keda denter di e norma di deficit acorda

di 0,5 porciento di e PIB. CAft ta pidi pa sigui presta atencion na desaroyo di e resultado financiero di Seguro Medico General (AZV) y Gobierno a compromete su mes pa haci un analisis.

No a entrega e proyecto di presupuesto di 2020, mientras cu Constitucion di Aruba ta stipula cu e mester ta entrega na Parlamento pa mas tarda dia 1e. di September. Na 2020 e saldo di financiacion mester mehora cu aproximadamente 50 miyon florin, compara cu e pronostico actual di e resultado pa 2019. Ademá, como consecuencia di e aumento di gasto (22 miyon florin) y di e crecimiento autonomo di e gastonan di personal (10 miyon florin), reahustacion adicional lo ta necesario pa alcanza e norma di surplus na 2020.

CAft a haci un bishita na Aruba dia 24 y 25 di Oktober. A tene combersacion cu, entre otro, Gobernador, Ministro di Finanza, s Asunto Economico y Cultura, Consejo di Ministro y e Comision di Finansa, Asunto Economico y Organizacion Gubernamental di Parlamento. Ademá, CAft a haci bishita na Autoridad di Turismo di Aruba (ATA), Organo Ehecutivo di Seguro Medico General (UOAZV) y Servicio di Impuesto.


PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Prome Minister Evelyn Wever-Croes:

Gobierno di Aruba a reuni cu CAFT

CAFT TA RECONOCE CU GABINETE WEVER-CROES TA TUMANDO PASONAN PA SOLUCIONA E PROBLEMA FINANCIERO DI ARUBA



Conseho di Minister a reuni cu CAFT diabierna ultimo. CAFT di su banda a trece padilanti cu e debe di pais Aruba ta hopi halto, y p'esey mester tuma decisionnan structural pa baha e debe. Gobierno di Aruba lo cuminsa baha e debe na aña 2020, momento cu e prome surplus wordo realiza riba presupuesto.

Pa loke ta trata e aña 2019, CAFT a indica cu e norma palabra lo wordo alcanza, y a expresa su reconocimiento pa e esfuerzonan di Gobierno pa logra y hasta ta muestra cu nos ta mihor para cu den e protocol ta indica. CAFT a expresa e preocupacion pa cu gasto di personal. Ta hopi importante pa por controla nan mihor y pa baha e gastonan aki. E unico forma cu pais Aruba por sali sigur di e problemanan financiero, ta si baha e gastonan di personal. Tambe CAFT a enfatiza e importancia di e Reforma Fiscal, pa asina garantiza e entradanan di gobiernonan den futuro.

Di parti di Gobierno, Minister President Evelyn Wever-Croes a describi e desaroyonan positivo di nos pais. Economia y turismo

ta creciendo, desempleo ta bahando, y pa prome biaha den hopi tempo ta trahando riba un presupuesto balansa, sin deficit. Ta p'esey Minister President a expresa su desapunto pa e conseho di CAFT pa duna Aruba un aanwijzing y a indica cu Gobierno ta mantenendo su mes na e normanan palabra cu Hulanda. Tambe pa loke ta trata e fondo di Sociaal Crisisplan, Gobierno di Aruba ta mantenendo su mes na palabracionnan. P'esey Gobierno ta desapunta cu toch CAFT ta conseha pa manda Aruba un aanwijzing.

Tambe a elabora riba e retonan, entre otro riba e tema di Venezuela y e situacion cu refinaria. E reunion a bay den bon esfera. Ta obvio cu CAFT ta sigui preocupa y lo kier mira Gobierno tuma mas paso pa garantiza cu Aruba lo no cay nunca mas den e problemanan financiero cu nos pais ta aden. Gobierno tambe ta comparti e pensamiento ey.

"Tanten cu nos Gobierno ta na mando, mi por garantiza un bon maneho financiero di nos pais. Locual cu nos mester evita ta pa nos pais cay bek den man di

gubernantenan irresponsabel cu a redobla e debe di nos pais y riba dje tabata tin e curashi di pidi cada ciudadano pa paga e debe bek, cu orguyo. Riba cada baby cu nace awe tin

un debe di 40 mil florin. Esaki ta e resultado di e peor maneho financiero cu nos pais a pasa aden. Entrante otro aña e rumbo ta cambia y nos ta cuminsa paga debe bek. Pa asina

crea un mihor futuro pa nos yiunan y nan yiunan" Minister President Evelyn Wever-Croes a duna di conoce

SNAX FEST

RIBA DIALUNA

AWG 31,⁸⁰

2 TWISTERS
4 PIDA GALIÑA
2 BISCUIT
2 BATATA HASA CHIKITO
2 REFresco DI 16oz DI PEPSI





SAN NICOLAS
5270995

ORANJESTAD
5270996

SANTA CRUZ
5270998

PALM BEACH
5270997



It's finger lickin' good

KFC, Colonel Sanders' image and related marks are trademarks owned by KFC. © 2018 Kentucky Fried Chicken, all rights reserved. Images for illustrative purposes only. Price in Aruba includes tax and can be changed without prior notice.

PERSONA CU NO TABATA REACIONA MAS, A RESUSITA Y A CUMINSA CORE CU POLIS Y PERSONAL DI AMBULANCE



Diasabra den oranan di marduga, presencia di Polis y ambulance a wordo pidi cu urgencia na un adres na Boroncana pa un persona cu a yega eyan den un auto y e persona aki no tabata reaciona. Na momento cu e prome patruya di Polis a yega na e adres, enberdad nan tambe a ripara cu e persona no tabata reaciona mes, e agentenan na e sitio a cuminsa pidi pa presencia di ambulance cu hopi urgencia. Na momento cu personal di ambulance a yega

y tabata cla pa pone e persona riba brancard, un "milagro" lo a sosode, e persona a resusita for di "morto", ela bin bij hopi razo, ela cuminsa halsa bos cu e polisnan y cu personal di ambulance. E persona aki a cuminsa core na mal manera tur esnan cu a bin pa dun'e prome auxilio y a salba su bida. NO a keda Polis y personal di ambulance nada otro di laga e persona cu a caba di resusita for di "morto" pa su cuenta y bandona e sitio.



KFC

DELIVERY

PA BESTEL BO POR:

- 1** BISHITA WWW.KFC.AW
- 2**  [KFC/SHOP NOW](https://www.facebook.com/KFC/SHOP NOW)
- 3** YAMA: SANTA CRUZ 5975798
BOULEVARD 5975799
*NO TA TUMA YAMADA VIA WHATSAPP

***MINIMO PA BESTEL TA AWG 25,00**



ORDER NOW WE DELIVER

DIALUNA PA DIABIERNA 6:00 PM - 10:00 PM
DIASABRA CU DIADOMINGO 2:00 PM - 10:00 PM

2

Nov
2019

DON'T MISS IT!

OPEN HOUSE



Upcycle Center

Serlimar

Ora: 9 am pa 3 pm

Lugar: Upcycle Center Serlimar

Pos chiquito

Lo ta bay tin bendemento di producto cu materialnan recicla
Bendemento di cuminda, sopi, bolo cos dushi y artesanian y mucho mas.










Parlamentario Endy Croes: Na e Miyonario Richard Arends:

“Berguenza a caba den Parlamento di Aruba?”



Parlamentario Endy Croes ta siguiendo e desaroyonan den Parlamento, e aparato mas halto di Aruba. Un di e rolnan di mas importante di Parlamento di Aruba ta controla gobierno. Gobierno ta presenta su vision y maneho y ta traduci esakinan den cifranan mientras Parlamento su trabao ta pa lesa tur e stuknan y haci lo mas tanto pregunta posibel pa asina tin claridad promer cu bay over na vota riba e ley por ehempel di presupuesto di Aruba. Parlamentario Endy Croes ta haya sumamente tristo pa den e instancia di mas halto di Aruba tin un “roversbende” como representantenan di AVP.

E sospechoso Benny Sevinger Benny Sevinger por ehempel recientemente husticia a drenta su cas y

a entreg’e un documento cu e ta sospechoso pa cu 5 diferente cargo. Sin ningun tiki escrupulo y cu un cara di coco manera ‘de que yo no fui’ Benny ta sigui grita den prensa manera nada no a pasa y cu husticia y henter pueblo ta robes pero e ta Santo manera Papa di Roma. Wel tin pruebanan entrega na Ministerio Publico di 1 solo tereno di casa di Gaby Werleman cu a wordo bendi pa 3.5 miyon US DOLLAR.

E wowo preto di Mike Eman Banda di Benny Sevinger tin un miyonario tambe representante di AVP den Parlamento. E miyonario aki conoci bao di e nomber di Richard Arends tabata gana inicialmente 14 mil florin pa luna como consehero di Mike Eman. Na aña 2014 el’a dicidi cu esey no ta suficiente y a lanta su compania

Horizon Consultancy y a cuminsa cobra 25 mil pa luna pa sigui conseha Mike Eman pero awor por medio di su compania. Asina Richard a structura su compania y como e wowo preto di Mike Eman el a drenta Utilities cu su compania Horizon y banda di ta cobra 25 mil pa luna for di gobierno el a cobra 585 mil pa luna Utilities conseho. Esaki tampoco tabata suficiente pasobra Richard a haya un tereno “prime land” na Malmok for di Benny y mester traha su mansion (cual awor ta full cla caba) na Malmok promer cu AVP a bay cas. Asina Richard

a manobra birando bon brother di Mike de Meza tambe.

Contractonan lucrativo Mike de Meza ta conoci como e Sinterklaas “mafia star” di Aruba. Asina Richard Arends su compania Horizon a wordo contracta pa RDA tambe cual apenas a cuminsa hala rosea. Aki Richard Arends a strica 485 mil florin como consehero. Pero esaki tampoco tabata suficiente y Richard Arends a lobby cerca Mike de Meza y asina a cera un contracto lucrativo como Director Financiero di RDA na

balor di Afl. 22.375,- pa luna cu masha hopi beneficio y un bunita suma di 2.6 Miyon pa esun cu kier kibra e contracto aki. Tipo di hendenan asina AVP tin den Parlamento pa hiba e trabao di control awe.

Parlamentario Endy Croes ta splica cu pueblo por compronde si cu Parlamento ta den un decadencia total? Esaki ta motibo tambe cu nunca pero nunca mas pueblo mester duna AVP un voto di confianza. Nos ta keda cu e confianza cu pronto husticia lo vence tur maldad.






Ministerio di Turismo,
Solubridad Publico y Deporte

ta presenta

Hoben Activo

Hoben Feliz





GRATIS

ORARIO
3PM - 4:30 PM
EDAD
8 - 13 AÑA

Sport Centrum San Nicolas

	21 Oct	23 Oct	28 Oct	30 Oct
Ping Pong				
Baseball/Softball	4 Nov	6 Nov	11 Nov	13 Nov
Atletiek	18 Nov	20 Nov	25 Nov	27 Nov
Karate	2 Dec	4 Dec	9 Dec	11 Dec

 Pa info contact **Sport Centrum San Nicolas na 584-8903**

 **IBISA ARUBA**

Parlamentario Endy Croes:

CAFT TA DUNA ADVIES PA AANWIJZING, APESAR DI A BAHÁ DEFICIT DI MIKE EMAN DI 405 MIYON NA 2014 PA 25 MIYON DEN 2019"



Parlamentario Endy Croes ta duna su opinion despues cu a reuni personalmente cu CAFT diabierna ultimo. Apesar cu dicho reunion di comision fiho cu CAFT ta uno 'inhoudelijk' y no por bay den publicidad cune, Parlamentario Croes kier vocifera su opinion. Recientemente a keda demostra cu datonan concreto cu e maneho financiero di pais Aruba ta riba e bon rumbo. Tanto Minister di Finanzas Xiomara Maduro y Minister Presidente Evelyn Wever Croes ta nabegando y fahando duro den un barco cu nan a hereda mal mal pega na rand di bancarota for di man di Mike Eman y AVP. Documentonan extra oficial y cifranan di Banco Central ta re-enforza, esaki, esta cu desde 2010 pa 2017 Mike Eman y AVP a mas cu redobla e debe nacional prestando 2000 y 200 MIYON esta 2.2 BIYON florin den nan fiesta cu a desostra nos finanzas publico di tal manera casi ireparable.

Aruba bek riba e bon rumbo

Bao di liderazgo di Evelyn Wever - Croes y trabaonan duro di Xiomara Maduro a logra cuminsa pone e barco Aruba bek riba e bon rumbo. Den menos di dos

aña a logra baha deficit di Mike Eman di -9.3% di GDP esta 405 miyon pa solamente -0.5% cual ta igual na solamente 25 miyon florin. Ta premira cu pa otro aña esta 2020 Aruba lo alcanza un surplus di +0.5% esta 25 miyon. Momento nos alcanza e surplus, ta e ora ey finalmente nos por cuminsa paga e debe di Mike Eman y AVP cual Mike a grita cu e ta orguyoso di e debe pero nunca a bisa pueblo con lo bay pag'e. Banda cu den rapport di CAFT di 2 di september 2019 nan ta admiti tur esaki y alabes nan ta admiti cu entradanan di gobierno pa cu e promer mitar aña ta "on target" esta 51.2% y tambe CAFT ta admiti cu gastonan di gobierno ta 46.6%, esta bou di 50% cu ta tremendo, toch e Hulandesnan usando strategia politico ta duna un advies na Koninkrijks Ministerraad pa duna Aruba un aanwijzing.

E abismo cu Mike a laga atras

Parlamentario Endy Croes no ta contento at all cu esaki y a vocifera esaki na miembronan di CAFT. No por ta asina cu pa 8 aña largo Mike Eman y tur su secuasenanan a endeuda e pais aki cu deficitnan astronomico y desde 2015 cu CAFT tambe tabata t'ey ningun musca a bula y a duna nan liña laga nan bay. Awor cu tin un gobierno "drechi" di homber y muhernan balente pa drecha e caos, CAFT kier actua riba local. Parlamentario Endy Croes ta considera m i e r e n n e u k e r i j. Parlamentario Croes ta bisa cu nos ta cana den pueblo y ta reconoce

nan dolornan pero nos ta consciente tambe cu mester drecha Aruba y saca e pueblo aki di e abismo cu Mike a laga atras. Esaki ta exige inteligencia pero un balance tambe pa bo no strangula un pueblo. Nos tur sa cu cada baby cu nace awe tin un debe di 40.000 florin di debe riba su cabez. CAFT a confirma esaki den su conferencia

di prensa di januari 2019. Henter e pueblo tin un debe di 40.000 florin cu Mike a regal'e. Awor cu ehersicionan sobrehumano ta wordo haci asina mes CAFT ta duna conseho pa un aanwijzing? Endy ta considera esaki actuacion di hendenan cobarde y na Hulandes bo ta yama nan lafaard.

Parlamentario Croes ta

splica di lo keda trata tur cu respet pero ta spera cu nan por compronde nos situacion y brinda sosten cu nan experticio sin mester keda menaza pa cosnan chikito cual no ta yuda na nos relacion. Admiti boso fout tambe y ban sigui hunto dilanti Croes ta termina splicando.

	22 Oct	24 Oct	29 Oct	31 Oct
Atletiek				
Ping Pong	5 Nov	7 Nov	12 Nov	14 Nov
Basketball	19 Nov	21 Nov	26 Nov	28 Nov
Karate	3 Dec	5 Dec	10 Dec	12 Dec

Pa info contact IBISA na 582-4987 of 584-8903

IBISA ARUBA

Riba ritmo di Brassband, Baile y \$20,000 cash total na premio

Wind Creek Seaport Casino a habri su portanan

Wind Creek Seaport Casino ta yamabo 'Bon Bini'. Despues di algun lunas di preparacion y renovacion, a yega e momento pa habri e portanan di Wind Creek Seaport Casino den un gran re-apertura ofreciendo e ultimo tecnologia den machine, mesa y efectonan di luz. Un diseño unico inspira riba 'Island meets modern Dutch'.

Gran apertura

Un apertura manera ningun otro. Tabata 12-ora sin fin di musica, cuminda, bebida, diverticion y un gran sorteo di \$10,000 cash. E mainta a inicia cu musica y ritmo di Brassband sigui pa un baile tradicional folklorico di miembran di Poarch Band of Creek Indians directamente for di Alabama. Un fusion di cultura, ritmo y baile simbolizando e bendicion pa e comienzo nobo di Wind Creek Seaport Casino como tambe e bon bini di Wind Creek Hospitality aki na Aruba.

E ceremonia di re-apertura a ser efectua pa sr. Jay Dorris, Presidente & Chief Executive Officer di Wind Creek Hospitality. Conhuntamente cu sr. Paul Gielen, General Manager di Renaissance Aruba Resort & Casino, mr. Dorris a corta e sinta grandi di re-apertura anunciando asina e exito di Wind Creek Seaport Casino. Di acuerdo cu sr. Dorris; "Mi a bin ta spera e dia aki desde cu nos a cumpra e casino na 2017. Desde inicio nos a bin ta realiza con special Aruba ta y pesey a traha duro pa resalta e cultura den e diseño y renovacion di e casino. Awor nos lo bay concentra pa brinda nos hungadornan e mihor experiencia di casino na Aruba".

Island meets modern Dutch

Na momento di diseñá e interior di Wind Creek Seaport Casino, diferente factor a bin dilanti pero un factor importante cu a resalta tabata e hungadornan local. E diseño a keda den man di Dash Design. Wind Creek Seaport Casino su interior ta un fusion di e cultura local cu un toke di modernismo Hulandes caminda no solamente e hungadornan local pero tambe e turistanan por relaha y disfruta asina di un casino nobo y moderno. Un inversion di \$2.5 milyon cu lo duna e hungadornan un experiencia manera ningun otro na Aruba.

Renovacion Casino

Wind Creek Seaport Casino ta conta cu e ultimo tendencia den tecnologia di luz. E luznan aki ta ilumina e casino completo cada biaha cu un jackpot wordo gana creando asina un fiesta di color, un tecnologia prome biaha den casino na Aruba. E casino ta conta tambe cu 280 slot machine moderno, 8 mesa incluyendo Roulette, Blackjack, Caribbean Stud Poker y Three Card Poker. Tambe Wind Creek Seaport Casino ta conta cu e seccion di 'Sports Betting' di mas grandi na Aruba consistiendo di stoelnan comodo y moderno como tambe 25 screens pa disfruta di bo wega favorito.

Wind Creek Rewards

Ta invita tur hende pa bishita e Player Services y registra pa e Wind Creek Rewards program. Como miembro di e Wind Creek Rewards Program bo ta haña e oportunidad pa acumula y spaar punto hungando den ambos casino pero awor tambe por acumula y spaar punto hungando online riba www.windcreekcasino.com.



com. Wind Creek Casinos ta ofrece e programa di beneficio mas generoso na Aruba. Wind Creek Crystal Casino ta habri 24-ora pa dia y Wind Creek Seaport Casino ta habri di 10'or di mainta te cu 4'or di marduga. Pa mas informacion, bishita nos pagina di Facebook; www.facebook.com/CrystalSeaportCasino/ of website; www.windcreekaruba.com



About Wind Creek Hospitality

Wind Creek Hospitality is an authority of the Poarch Band of Creek Indians. Wind Creek Hospitality manages the Tribe's gaming facilities including: Wind Creek Atmore, Wind Creek Wetumpka, Wind Creek Montgomery, Wind Creek

Bethlehem, Wa She Shu Casino in Nevada, Renaissance Aruba Resort & Casino, Renaissance Curacao Resort & Casino, WindCreekCasino.com as well as racetracks in Alabama and Florida. For more information, visit: <https://windcreekhospitality.com/>.

About the Poarch Band of

Creek Indians The Poarch Band of Creek Indians is the only federally recognized Indian Tribe in the state of Alabama, operating as a sovereign nation with its own system of government and bylaws. The Tribe operates a variety of economic enterprises which employ thousands. For more information, visit: www.pci-nsn.gov.

DAMA BOU INFLUENCIA DI ALCOHOL OF OTRO SUBSTANCIA, TABATA CAUSANDO HOPI MOLESTER Y A KEDA DETENI



Diabierna den oranan di anochi presencia di polis a wordo pidi cu hopi urgencia na altura di Citgo Tanki Leendert, pa motibo cu tin un dama eybanda cu tabata basta bou influencia di alcohol y of droga, e dama tabata no solamente causando molester, pero tambe e tabata forma peligro riba caya pa su mes y pa otro. Na yegada e agentenan policial a bin topa cu e dama aki y mesora a ripara cu enberdad e dama ta basta bou influencia y no ta descarta cu e por ta bou influencia di otro substancia tambe. Na e sitio nan a bin compronde cu e dama aki tabata den un auto cu mas hende y pa motibo cu e

tabata haci hopi fastioso, e personanan den e auto a dicidi di bahe canto di caminda na Tanki Leendert. E desicion di baha e dama canto di caminda sigur no tabata uno responsabel, mirando den ki estado e dama tabata, e miho opcion lo tabata pa hib'e su cas of bah'e na un Warda di Polis. Polisnan na e sitio mesora a dicidi di detene e dama y a pidi pa un transportwagen, esaki no a cay den bon tera cerca e dama bou influencia, pero e agentenan no por a laga e dama den estado cu e tabata riba caya, elo por haci daño na su curpa y sigur por forma peligro riba caya pa su mes y pa

otro tambe.

Transportwagen di polis a bin busca e dama, esaki pone e dama bira mas razo ainda, e dama a cuminsa expresa su mes no mucho bunita y tabata grita e agentenan policial "F... ..". Na Warda di polis e dama a haya un camber gratis pa sosega te ora e bin bij. Den e cel na Warda di polis e ta mas sigur y ora e bin na tino bek, elo gradici e agentenan policial pa a

PUEBLO A HAÑA SU PEN BEK

Pa kualquier informacion
solodipueblo@gmail.com
of
585-9500



CENTRALE BANK VAN ARUBA

ARE YOU LOOKING FOR A NEW
CHALLENGE?

**WE HAVE A VACANCY FOR AN
APPLICATION & SOLUTIONS
ENGINEER**

Visit our website www.cbaruba.org for more
information

Marechaussee ta haya un lote di droga nobo riba barco di marina

Koninklijke Marechaussee a haya 11 kilo di droga diasabra riba e barco naval Johan de Witt registra na den Helder.

Probablemente ta trata di cocaina. E investigaion riba e barco a tuma lugar despues cu un soldaat cu 11 kilo di cocaina a wordo aresta previamente riba e barco, despues cu nan tabata mara na Corsou.

Segun e website di noticia Crimesite, e aresto aki a tuma lugar despues cu e barco a yega for di un accion di ayudo na Bahamas.

E homber di 23 aña for di

Haarlem a sconde e droga den un tas, For di e tempo ey, el a wordo transferi pa Hulanda y ainda e ta deteni.

Marechaussee ta sigui investiga si e soldaat aresta tambe por ta responsabel di parti di e droga haya e fin di siman aki.

E buskeda riba Johan de Witt a cuminsa diabierna, manera Crimesite ya a informa.

Un vocero di Marechaussee no tabata kier a bisa NOS unda nan a haya e droga riba e barco.



POLISNAN GENEROSO A MANDA CHAUFFEUR BAY DRUMI

Despues cu ela core robes ariba rotonde



Diasabra marduga polis a mira con un Van H1 no a bira normal rond di rotonde di Noord, pero a subi'e na su banda links pa e bay direccion pariba.

Mas cu claro polis a bay su tras

y na su cas nan a papia cune.

Polis a splike un ke otro debi cu no tawata tin su rijbewijs cune y tawata un poco bou influencia. Nan a mande bay drumi.

HOBEN A ADMITI CU ELA BEBE UN TIKI DESPUES DI A ACCIDENTA



Diadomingo mainta pa mas o menos 5:30 polis a bay e crusada di Englelandstraat cu Frankrijkstraat, unda un auto lo a accidenta.

Na yegada polis a topa cu un Ford Figo pega contra un borch di propaganda.

Na stuur tawata tin un hoben chauffeur, cu mesora y

honestamente a bisa polis cu ela bebe un poco y a pega soño.

Posiblemente nos no ta sigur, debi na su honestidad polis no a detene y tambe tawata algo eenzijdig (no tin otro partido envolvi).

Pero tur gastonan mas cu claro lo cay pa su persona.

EXECUTORIALE OPENBARE VERKOOP

Op donderdag 28 november 2019 des namiddags om 14.00 uur, zal in de Kamer van Koophandel en Nijverheid van Aruba, J.E. Irausquin Boulevard 10, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba casu quo als onherroepelijk gemachtigde bedoeld in artikel 1203 (oud Burgerlijk Wetboek van Aruba), bij opbod en daarop volgende afmijning worden gehouden van:

1 een perceel eigendomsgrond ter grootte van 1.003 M2, gelegen aan de Dadelstraat op Aruba, kadastraal bekend als Land Aruba Eerste Afdeling Sectie C nummer 838, met het daarop gebouwde, plaatselijk bekend als "Dadelstraat 33";

Inzetprijs: Afl. 156.000,==

2 een complex eigendomsgronden gelegen te Santa Cruz groot ongeveer achthonderd en drie vierkante meter (+ 803 m2) bestaande uit:

a. een perceel eigendomsgrond, gelegen te Santa Cruz in Aruba, uitmakende een ter plaatse afgebakend gedeelte ter grootte van ongeveer driehonderd zeven en vijftig vierkante meter (+ 357 m2) van het perceel kadastraal bekend als Land Aruba, Eerste Afdeling Sectie R, nummer 3219, of zoveel groter of kleiner als na kadastrale opmeting zal blijken zoals op het terrein is of zal worden afgebakend, welk perceelsgedeelte nader is aangegeven met kruisarcering als SUA-MD no. 1128/2006 in particulier meetdocument de dato dertien december tweeduizend en zes, opgemaakt door SURVEYING UNLIMITED ARUBA N.V. (index: D592);

b. een perceel eigendomsgrond groot vierhonderd zes en veertig vierkante meter (446 m2), gelegen te Santa Cruz in Aruba, kadastraal bekend als Land Aruba, Eerste Afdeling Sectie R nummer 3642;

Inzetprijs: Afl. 94.000,==

3 het recht van erfpacht tot elf december tweeduizend zeven en zestig (11-12-2067) op twee percelen domeingrond ter gezamenlijke grootte van eenduizend driehonderd twee en zeventig vierkante meter (1.372 m2), gelegen aan de Bernhardstraat in Aruba, te weten:

a. een perceel domeingrond groot zevenhonderd acht en veertig vierkante meter (748 m2), als nader omschreven in de kadastrale meetbrief nummer 164 van vier oktober negentienhonderd vijf en veertig (04-10-1945); en

b. een perceel domeingrond groot zeshonderd vier en

twintig vierkante meter (624 m2), als nader omschreven in de kadastrale meetbrief nummer 165 van vier oktober negentienhonderd vijf en veertig (04-10-1945),

met de op de voormelde percelen bevindende opstal van een zakenpand, plaatselijk bekend als "Bernardstraat 267";

Inzetprijs: PM

4 het recht van erfpacht tot zes juni tweeduizend vier en twintig (06-06-2024) op twee percelen domeingrond ter gezamenlijke grootte van vijfduizend driehonderd vier en vijftig vierkante meter (5.354 m2), gelegen te Barcadera, te weten:

a. een perceel domeingrond groot vierduizend negenhonderd en tien vierkante meter (4.910 m2), kadastraal bekend als Land Aruba Eerste Afdeling Sectie T nummer 147; en

b. een perceel domeingrond groot vierhonderd vier en veertig vierkante meter (444 m2), kadastraal bekend als Land Aruba Eerste Afdeling Sectie T nummer 1842;

met het daarop gebouwde zakenpand, plaatselijk bekend als "Barcadera 1-A";

Inzetprijs: PM

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 13 november 2019 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de bank te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900


Fax: 5854222

Email: veiling@notaristromp.com/auction@notaristromp.com

HAPPY BIRTHDAY

ARUBA ONE HAPPY ISLAND

Dorely



BON DIA YEN DI ALEGRIA!

Skirbi pa Ruthy "Lady Ruth" Vrieswijk-Bergen



Marathon tin hopi, entre otro den deporte. Pero ta un marathon di golden oldies tin na mundo y ta esun di Radio Galactica 99.9 FM cu a tuma lugar siman cu ta trai lomba aki na Aruba, riba nos dushi pida baranca. Tur amante di bunita cancionnan inmortal den letra mensahe y melodia por a goza di nan dushi musica, artistanan cu a graba nan inolvidabel cancionnan hopi anja pasa, den anjanan sesenta, setenta y hasta ochenta y awor tambe nobenta. E golden oldies marathon aki ta unico, pero unico y special di berdad! Nan team dinamico di dj's y invitadonan a causa furor durante henter e siman cu a cuminsa Diadomingo dia 20 Oktober y a termina Diadomingo dia 27 di Oktober anochi 8 or. Johan Vrieswijk y su Lady Ruth a disfruta masha hopi mes pa oranan largo den auto of na cas. Ta hopi tawata e peticionnan cu a drenta na Galactica y ki dushi tawata Diabierna anochi ora cu e fantastico dj Joe Hernandez a complace Lady Ruth cu tur su canticanan solicita. Pa Lady Ruth no tin dos manera Joe Hernandez i Nilka Franka, ni den stem, ni den repertorio di cancion. Nan voz ta unico! Den e caballero-

nan ta Joe Hernandez ta destaca den su manera unico, e ta e "brains" y "curazon" di Radio Galactica 99.9 FM, mientras un otro dj no por a encontros di Lady Ruth su cancionnan solicita, Joe ta hanjlanan vap vap, profesionalmente cu curason. Mientras pa Lady Ruth, e artista cantante di dushi balada y boleronan di mas romantico Nilka Franka ta keda e stem, e vos di mas bunita entre tur e cantantenan femenino di Aruba y ladies dj nan di Galactica. Un hende muhe elegante y bunita cu ta canta masha masha bunita mes. Cu su bunita y unico stem perfecto pa radio. Hopi por corda su programanan di mainta na Galactica. Nos tambe ta asina proud di nos amiga Nilka Franka. Hopi ta esnan cu a drumi lanta cu GFM Radio Galactica 99.9 pa un siman largo. Y keremi cu no ta "nos" cu ta di anjanan sesenta setenta a scucha, ta henter Aruba tawata den sintonia, pasobra unda cu a bai por a tende e golden oldiesnan ta skeiro. Ta 28 anja cu e tremendo programa "Oldies 99.9" na ingles Oldies ninety nine point nine ta den aire y 18 anja cu e Oldies Marathon ta den aire. Dia cu a cumpli 10 anja cu Oldies 99.9 a dicidi di start cu e

Oldies Marathon. Ach, e dushi musica di ajera ta asina bunita, e ta alegre y sigi alegre e curasonnan di hoben y biew.

Hopi hende di "nos edad" no ta gusta e bugudum bugudum bugudum di awendia. Pero ta cada generacion cu nan mesun estilo. Hopi ta fada pasobra den e cancionnan di awendia ta ripiti y ripiti fada hende un crenchi. Lady Ruth tambe a forma parti di e team di Galactica FM bastante anja pasa como presentadora di noticia y cu su programa e Dushi zonido cosmico, estilo Dushi Awasero Musical cu e tawatatin prome na Radio Kelkboom. E programanan di Oldies Marathon cu nos a goza hopi ta esunnan di Nilka Franka, Freda Maduro, Jimmy Oduber y Joe Hernandez. E simpatico caballero Roald Webb y Rene (no ta corda su fam) tambe tawata den nan dinamico team pa duna atencion y complace e oyentenan. Nos no por a scucha tur claro, tin cu sali hasi deligencia tambe, hahahaha. Nos pabien na henter e staf y personal di Radio Galactica pa a brinda nan compania musical caluroso y inspirativo na henter e pueblo di Aruba pa un siman largo! Dialuna dia 28 di Oktober mainta 9or, e otro motor incansabel di Galactica Roberto Geerman ta sali start cu nan prome edicion di "Ta hole fin di anja" esta nan programa di Pascu y fin di anja. Ja nos tambe tin nos prome ajakanan pa purba. Y djies nos tambe ta cuminsa dorna cas un crenchi. Anticipando Pascu y fin di anja. E dushi ambiente di paz y amor. Pa un bon prijs bo por a compra bo usb stick cu musica oldies riba dje serca nan na Galactica FM situa den curazon di Dakota, di dos piso den



Judra Building den Macapruimstraat.
Pabien na tur di Radio

Galactica 99.9 FM! You did it again!!!! We love you too!!!

WASTE HANDLING CLEANING SERVICES

10FT



20FT



30FT



PRIJS DI BAKI:

€ 150-175-200-250

*PRIJS TA DEPENDE DI KI TIPO DI SUSHI

YAMANOS NA:

560 3500 OF 563 4201

Ex guardia di 93 aña di un campo di concentracion Nazi ta bisa cu e no tabata sa kico tabata pasa cu e hendenan den e cambernan di gas

Un exguardia di 93 aña, di e campo di concentracion Nazi di Stutthof (Polonia), a declara diabierna dilanti un hues den e ciudad Aleman di Hamburg cu e no tabata sa cu e victimanan di Nazismo a wordo gasea, apesar di a scucha grito y golpi dentro di e cambernan di gas. E exsolda di SS, Bruno Dey, ta enfrente 5230 cargo pa colabora den e asenatonan cu a tuma luga mientras cu e tabata na Stutthof desde 1944 pa 1945.

Segun e declaracion di Dey, den un di e ocasionnan el a mira for di un toren di vigilancia con mas of menos 20 pa 30 prizonero, no a muestra resistencia ora cu nan a wordo conduci pa e cambernan. E no tabata sa di testifica si nan tabata homber of muhe, ya cu nan tabata tin nan cabes feita, ni tampoco por a specifica si nan tabata Hudiu, Daily Mail a informa.

"Mi no a mira ningun hende sali," Dey a bisa, alegando cu e no tabata sa kico a sosode cu e victimaan una bes cu nan a drenta.

Tambe el a testifica di a mira un grupo di 10 pa 15 homber slai for di e cam-


bernan pa wordo hiba na e edificio di e crematorio pa personanan bisti na blanco.

Segun e ta relata, nan a informe cu e prizoneronan aki mester a traha pafo di e campo y mester a wordo sometí na un revision prome.

E lo presenta dilanti un tribunal di menor. Segun e exguardia a declara, e y otro 400 solda a wordo hiba na Stutthof na juni of juli di 1944 y no tabata tin constancia di ki tipo di persona tabata cera den e campo di concentracion.

Aunke no tin evidencia cu Dey a participa directamente den algun asesinato den e campo cerca di Danzig, awendia e ciudad polaco di Gdansk, e fiscalnan ta argumenta cu, como guardia, el a yuda dem e funcionamiento di e campo.

Debi cu Dey tabata tin 17 na momento di e presunto delitonan, e lo aparece den un tribunal di menor y e hues lo mester ekilibra e gravedad di e delitonan cometi cu e derecho penal Aleman pa delincuentenan hubenil, cu por mira un pena maximo di 10 aña.



cuminsa: 1 Okt
2019

E Fiesta di Fin di aña

Tur Mainta
Dialuna - Diabierna
4:30am - 6:30 am

Atravez di TOP FM 95.1

Tur Diasabra di 5:00 pm - 7:00 pm
Dielomingo di 11:00 am - 2:00 pm

SETAR

SOL
Di Pueblo

BRIYANDO FUERTE • TRECIENDO CLARIDAD

Tipline: 585 9500

e-mial: solodipueblo@gmail.com



Vettel ta supera e marca di Hamilton den e di dos practica di e Gran Premio di Mexico

E Aleman Sebastian Vettel di Ferrari a supera diabierna e marca cu nan a registra mas tempran, Lewis Hamilton, door di realisa e buelta mas rapido den e di dos practica liber di e Gran Premio di Mexico cu un tempo di un minuut y 16.607 seconde. Hamilton, kende ta busca su di seis titulo mundial, tabata esun mas lihe mainta ora di a draai den un minuut y 17.327 seconde cu su Mercedes, pero den e di dos prueba a caba na di cinco cu un minuut y 17.570 seconde. "Simplemente nos falta rendimiento y potencia compara cu e demas," e hefe di e ekipo Mercedes,



Toto Wolff a bisa. Hamilton tin cu registra 14 punto mas cu Bottas, ganado di e careda ante-

rior na Hapon, diadomingo pa logra e titulo. Esey ta nifica caba riba e podium den un circuito

cu no a faborece ni e Mercedes den e ultimo dos temporadananan apesar cu e Britanico a sigura e titulo den cada ocasion. Mientras tanto, e Hulandes Max Verstappen, kende cu su Red Bull a gana e dos ultimo caredanan na Mexico, a caba

na di dos lug a cu un buelta den un minuut y 16.722 seconde, aunke el a mehora e tempo cu el a registra den e mainta di un minuut y 17.461 seconde. E Monagesco Charles Leclerc, kende a finalisa na di dos den e prome practica, a caba atardi na di tres lug a ora el a marca un buelta di un minuut y 17.072 seconde.

E Finlandes Valtteri Bottas, compañero di Hamilton den Mercedes, a caba na di cuater lug a cu un tempo di un minuut y 17.221 seconde.

Mientras cu e Mexicano Sergio "Checo" Perez di e ekipo Racing Point, a finalisa den e di 22 lug a cu un minuut y 18.366 seconde, mehorando su registro di mainta unda el a ocupa e di 17 lug a cu un tempo di un minuut y 19.717 seconde.

Conmebol ta reafirma cu e final di Copa Libertadores lo tuma lug a na Santiago de Chile, apesar di protesta



E unico final di Copa Libertadores entre Flamengo di Brasil y River Plate di Argentina lo tuma lug a dia 23 di november den e stadion nacional di Santiago de Chile, apesar di e multitudinario manifestacionnan, cu a laga 19 morto den e pais Suramericano.

La final única de la Copa Libertadores entre Flamengo de Brasil y River Plate de Argentina se jugará el 23 de noviembre en el Estadio Nacional de Santiago

de Chile, pese a las multitudinarias manifestaciones, que ya han dejado 19 muertos en el país sudamericano.

Den declaracionnan na prensa, e presidente di e Confederacion Suramericano di Futbol (Conmebol), Alejandro Dominguez, a ratifica e sede di encuentro, ya cu e ta considera cu Chile "lo bay recupera di loke e ta bibando."

E entradananan por wordo adkiri entrante di dia 30 di october proximo.

WASTE HANDLING CLEANING SERVICES

SCEPTIC TANK (7 CUBE)

PRIJS SPECIAL
AWG 75,-



YAMANOS NA:
560 3500 OF 563 4201

MERCA TA PROHIBI BUELONAN PA CUBA, CU EXCEPCION DI LA HABANA

E Gobierno di Donald Trump a impone sancionnan nobo contra Cuba, door di prohibi tur e vuelonan pa e isla, cu excepcion di esnan cu ta bay La Habana.

E medida di e Departamento di Transporte Mericano, cu lo drenta na vigor entrante dia 10 di december, lo afecta e vuelonan comercia cu actualmente ta wordo realisa na cinco ciudad di Cuba.

E secretario di Estado, Mike Pompeo, a informa riba su cuenta di twitter cu el a pidi e titular di e Departamento di Transporte, Elaine Chao, suspender e servicio aereo programa entre Merca y tur e aeropuertonan Cubano, cu excepcion di e aeropuerto Jose Marti di La Habana.

"E accion aki lo evita cu e regimen di Casto beneficia di e biahenan aereo Mericano y uza e ingresosonan pa reprimi e pueblo Cubano," Pompeo a tweet.

Por lo menos dos aerolinea comercial Mericano lo wordo afecta cu e medida aki: JetBlue y American Airlines.

Ademas di La Habana e companianan aki tin vuelo pa e ciudadnan di Santiago de Cuba, Varadero, Camaguey, Holguin y Santa Clara.

"Ta dañá vinculo"

E canciyer Cubano, Bruno Rodriguez, a rechasa "energicamente" e decision di e Gobierno Mericano di suspender e vuelonan comercial na nuebe aeropuerto di e isla.

Atraves di su cuenta di Twitter, Rodriguez a critica e administracion di Trump pa endurece e prohibicion di biaha na e ciudadano Mericano.

"E ta mutila nan libertadnan. E ta dañá vinculo nan di pueblo pa pueblo. Nan nolo ranca nos concesionnan di nos. Nos lo vence" el a skirbi.



Sancionnan
Dia 18 di october ultimo, e Oficina di Industria y Siguridad di e Departamento di Tesoro di Merca (BIS), a anuncia sancionnan comercial nobo pa Cuba door di su apoyo na Maduro.

E medidanan, ademas di restringi e exportacionnan di bienes pa e isla, lo afecta e charter di avionnan Mericano na aerolineanan Cubano,

mediante un "politica generla di denegacion di licencia."

Na september, Washington a inclui den elista di e asina yama Nacionales Designados Especiales (SDN) di e Oficina di Control di Activonan stranhero (OFAC) na embarcacion y entidadnan encarga di transporte di petroleo di Venezuela pa Cuba.

Cu e medida aki contra

ocho bapor y entidad, OFAC a blokea tur e bienes y interesnan di nan propiedad y a prohibi Mericanonan realisa trato cu e propiedadnan sanciona.

Siman pasa, e presidente di Cuba, Miguel Diaz-Canel, a tilda e cadena di sancion proveniente di Washington di un acto "inhumano, cruel, inhumano y genocida" di "desprecio imperial."

CHINA TA ACUSA E VICEPRESIDENTE DI MERCA DI "ENGAÑO" Y "AROGANCIA"

E vocero di e Ministerio di Asuntonan Exterior di Chinam Hua Chunying, a habri contra e vicepresidente di Merca, Mike Pence, durante un rueda di prensa den e capital Chines diabierna, bisando cu "su comentarionan ta yena di aroganciam prehuicio, sesgonan critico y mentira," NBC News ta recoge.

E declaracion di e vocero a tuma luga poco despues cu Pence a señala cu Peking a haci cu e empresanan Mericano a "pone na banda" di e gobierno Chines, memey di e protestan masivo antigubernamental na Hong Kong, violando e derecho di e manifestantenan.

Por lo tanto, Hua Chunying a



subraya cu e esfuersonan di "desprestigia" China tabata un intento di distrae e aten-

cion social di e problemanan di Merca, manera e control di arma y e desigualdad den e

distribucion di rikesa.

"Mi no por hala rosea": Un famia Vietnamita a ricibi mensahe di despedida di nan yiu e mesun dia cu a aparece un truck cu 39 curpa na London

Un di e 39 personanan haya morto den e parti patras di un truck cerca di London, por ta procedente di Vietnam.

Pham Thi Tra My di 26 aña, ta desapareci for di diaranson ultimo, e mesun dia cu e truck a wordo descubri.

E informacion aki ta surgi pa medio di Hoa Nghiem, coordinadora di Human Rights Space, un red civico cu sede na Vietnam.

Nghiem a publica un serie di tweet dunando di conoce e caso di e muhe Vietnamita. "Ta duel mi, mama. Mi biahe pa exterior not in exito. Mama, mi stimabo hopi!

Mi ta muri pasobra mi no por hala rosea... Mi ta di Nghen, Can Loc, Ha Tinh, Vietnam... ta duel mi, mama."

Esey tabata e ultimo mensahe cu e mama di Pham Thi a ricib y cual a haci cu su famia a pensa cu el a wordo haya entre e victimanan.

E texto a wordo manda pa 4'or y mey diaranson (ora di Vietnam). Den otro tweetnan por mira e screenshot di e ultimo texto y su potret.

E embahada di Vietnam na London a confirma cu a contacta Polis cerca di e muhe desapareci, mas laat, segun un medio lo-



cal ta indica, e famia di Pham a paga cerca di 39 mil dollar na trafi-

cantenan pa su biahe te na Reino Uni, e biahe di Pham a cuminsa na Chi-

na y planea pa yega Reino Uni atraves di Francia.

Un mama ta haya su yiu adolescente desapareci tras di a descubri su videonan explicito riba Pornhub

Mama di un adolescente di 15 aña a haya sa cu videonan explicito di su yiu muhe a wordo publica riba internet, casi un aña despues di su desaparicion y awo Polis di Florida (Merca) a aresta un homber involvi den agresionnan sexual contra e menor di edad.

En concreto e investigadornan a haya riba sitenan manera Periscope, Snapchat, Modelhub y Pornhub, 58 grabacion y potretnan pornografico di e adolescente no identifica.

Den varios di e ideonan e ta aparece tambe cu e mesun homber.

Grabacionnan di camarandn di vigilancia realisa den un supermarket na februari, a conduci e oficialnan na identifica e suheto como Christopher Johnson di 30 aña, cu diamars a wordo aresta na Fort Lauderdale mientras cu e tabata stuur un vehiculo cu e mucha muhe desapareci.



Di acuerdo cu testimonio di e menor di edad, varios di e videonan di pornografia infantil a wordo graba den e apartamento di e homber, unda cu oficialnan a haya documentacion relaciona cu un clinica di abortus.

"E victima a declara cu el a sali na estado di e acusado y el a hib'e na e clinica pa aborta," Sun

Sentinel ta cita e informe di aresto di Johnson.

E sospechoso, kende a nenga di tabata tin contacto sexual cu e adolescente, ta wordo manteni bao di custodia bao di cargo di agresion lubrico y lascivo contra un victima entre 12 y 16 aña y a establece su fianza na 75 mil dollar.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



Mehora bo alimentacion si bo tin acido urico halto

E problemanan di acido urico halto ta directamente relaciona cu un mal alimentacion, ya cu e purinanan cu ta prudici'e ta basico y principalmente den loke nos ta come.

Pa e rason aki, den e articulo aki nos ta proponebo algun alimento cu lo yuda mehora e situacion aki.

Ta berdad cu den interior di nos organismo, tambe ta aparece e nivelnan di e acido aki sin ayudo exterior.

Sin embargo, den e condicionnan normal, 80% di e nivelnan di acido urico por wordo controla siguiendo dietanan determina.

Kico ta nifica tin acido urico eleva?

Si nos excede acido urico den sanger, esaki lo wordo deposita riba e articulacionnan den forma di cristal, causando inflamacion y dolor.

Hiperuricemia ta consisti door di tin acido urico halto den sanger. E sintoma mas temi di e enfermedad aki ta e atake di gout, cu ta produci door di deposita e acido urico den articulacionnan.

Gout ta provoca un dolor extremadamente eleva cu tin cu purba evita den e medida di lo posibel.

Cu un bon alimentacion, pauta pa nutricionista, por logra disminui e nivelnan di acido urico den sanger y aumenta e control di e situacion pa evita cu atakenan di gout aparece.

Kico ta considera un nivel eleva di acido urico?

Segun specialistanan di salud, e nivelnan corecto di acido urico ta esunnan cu por haya entre 2,4 y 5,7

mg/dl den hende muhe y entre 3,4 y 7,0 mg/dl den hende homber.

Por lo tanto, cualkier balor cu supera dicho limite, ta wordo considera un indicado di hiperuricemia y mester wordo trata na tempo prome cu e condicion por empeora.

Ki alimento consumi si mi tin acido urico halto?

Den nos alimentacion, nos mester reduci e alimentonan rico den purina, ya cu ora di degrada den e organismo, ta duna como resultado hiperuricemia.

Afortunadamente, ta existi algun alimento cu por yuda baha e acido urico, si bo consumi di forma regular:

Alimentonan abao den purina cu nos por consumi Productonan lacteo ta wordo considera alimentonan abao den purina, pa cual nan ta wordo recomenda den un dieta pa hiperuricemia.

Ta existi alimentonan cu concentracionnan abao di purina den su composicion y cu nos por inclui nan den nos alimentacion sin problema.

E alimentonan aki ta:

- Lacteo
- Berdura: cu excepcio di algun menciona mas abao

- Rais
- Fruta rico na vitamina C

• Fruta seco sin salo
Nos mester duna atencion na tur e alimentonan pasobra tur ta contene purina, den mayor of menor midi, pero cu un planificacion corecto, nos por logra haya resultadonan grandi den nos analiticonan.



Alimentonan cu contenido medio den purina

Zeta ta alimentonan di consumo modera den un dieta pa acido urico, ya cu su presencia di purina ta limita.

Despues nos tin alimentonan cu concentracionnan den purina menor y cu su consumo por ta un poco mas flexibel compara cu e lista anterior.

E alimentonan aki ta:

- Carni blanco
- Esparago
- Bonchi: cu excepcion di lenteha
- Bloemkool
- Spinazie

E tipo di alimentonan aki nos por inclui nan den alimentacion, pero su consumo no mester ta abusivo.

Ki alimento nos mester evita?

Carni cora, hunto cu pisca y marisco, mester evita por completo si nos kier reduci acido urico den sanger.

Vetnan animal y alimentonan rico den purina ta loke mester limita. Entre nan ta destaca caldonan concentra, saus y sopi traha cu pidanan di carni.

purina.

- Tipo di coccion
E tipo di coccion den hiperuricemia tambe por ta importante. Si herbe cuminda, ta logra reduci e cantidad di purina for di e alimentonan.

Un plato herbi of cushina ta e miho opcion cu e platonan hasa of cushina cu cantidadnan grandi di azeta, por ehempel.



Tambe pisca, principal pisca blauw cu sardin, anchoa, salmau, gamba of caballa.

Consumo di alcohol y productonan procesa no ta wordo recomenda pa logra baha e nivel di acido urico di e organismo of evita pa e subi, pa cual ta miho elimina nan of limita hopi su consumo.

Aspectonan pa tene na cuenta cu acido urico eleva

- Consumo di fruta
Den e caso di fruta, nos mester tene nan bon controla, pasobra di un banda nan ta hopi bon (pasobra nan tin poco cantidad di purina) pero di un otro banda, nan tin concentracionnan hopi grandi di fructuoso, cu den e organismo ta genera

- Bebida

Bebida pa excelencia cu nos mester tuma ta awa. Nos mester aumenta nos consumo di awa si no ta suficiente.'

Purbando di bebe por lo menos 2 liter di awa pa dia, segun e recomendacionnan ta indica. Si nos hiba un alimentacion rico den fruta y berdura, ademas di caldo, sopi of infusion, tambe nos ta inclui awa den nos curpa.

Si ta bon e consehonan aki por yudabo baha bo nivelnan di hiperuricemia, ta importante pa bo consulta cu bo dokter, kende lo realiza un evaluacion y por recetabo e tratamiento mas adecuado segun bo condicion.



Stop di huma door di vaping, e por ta un bon solucion?

Dentro di e truco y ayudonan pa stop di huma, tin hopi hende cu ta opta pa pasa na "vape", es decir na e sigarianan electronico den cual cu na luga di aspira e huma di combustion di un serie di yerba of blachi manera cu ta haci den e sigana normal, ta aspira e vapor cu ta generalmente ta keinta un substancia usando un dispositivo electrico similar na un pen.

Esaki ta un bon idea? Of nos lo ta cambiando un vicio pa e otro pio?

E ta miho cu huma (pero no ta yuda pa stop completamente) Resultadonan di varios estudio cientifico ta muestra un poco na e dos cosnan: di un banda, e no ta parce cu e vaping ta sirbi como ayudo pa stop di huma, ya cu hendenan cu ta cambia den un pa otro, no ta stop cun'e. Esey ta loke a pasa den e estudio aki, unda cu 90% di e humadonan cu ta pasa pa un sigaria electronico no a logra pa lag'e despues di un aña. Pesey no por considera un forma ekicas di stop cu e tabaco y no ta autorisa pa bende como tal.

Di un otro banda, mayoria di e evidencianan y autoridadnan sanitario parce di ta coincide cu, poni pa haci un cos of e otro, vaping ta menos perhudicial pa salud cu huma.

No tin combustion ni tabaco Aunke e no ta completamente



liber di riesgo, door di no tin combustion den vaping, estudionan realisa te cu awor aki ta muestra cu e por reduci significativamente e exposicion di nos pulmonnan na substancianan toxico, a lgo cu no ta sosode ora di huma.

Esey ta pone un menor riesgo di cancer, cu ta disminui ainda mas ora cu e deposito di e sigaria electronico no tin tabaco. Mirando cu e combustion y tabaco ta loke ta genera principalmente e riesgo di cancer ora di huma, eliminando ambos, obviamente ta baha e riesgo.

E no ta liber di riesgo Sin embargo, tin algun puntualizacion cu ta importante pa haci. E prome di tur ta cu e riesgo solamente ta disminui si e paso di un habito pa un otro ta completo. Miho bisa, si e persona en cuestion ta stop di huma y solamente e ta vape. Si e paso di uno pa otro no ta wordo haci completo y ta stop haciendo loke e ta yama un uso dual, na final no ta elimina e riesgonan di huma y ademá



ta añadi esunnan di vaping, cu tambe ta existi aunke e ta poco.

Cualnan ta e riesgonan?

E principal causa di preocupacion ta cu hopi hende ta haci e caminda inverso y ta pasa di vaping pa huma, specialmente adolescentenan por considera atractivo e vaping y asina por caba na cuminsa na huma prome.

Di un otro banda, si e deposi-

tonan cu cual ta vape, ta contene nicotina, e vapor ta exponi na e mesun riesgo di su parti cu e humado: e adiccion y e efectonan neuronal di e substancia psicoactivo aki, specialmente sensibel den e cerebro di e adolescentenan: pio evaluacion di e riesgonan, uso di otro substancia y problemanan den e desaroyo cerebral.



Plataforma Hobennan Profesional ta Informa:

Tatanan tin derecho riba dos dia liber en conexion cu e nacimiento di nan yiu

Dos dia di “vaderschapsverlof” ta suficiente of husto den e epoca cu nos ta biba aden?

Nos a tuma nota di diferente comentarionan relaciona cu e tema di diana liber pa tatnan ora cu nan yiu nace. Via di medianan social mama y tatnan a expresa nan disgusto pa e forma con “vaderschapsverlof” ta regla den nos leynan. Cu e articulo aki nos lo desea informa nos comunidad tocante e aspecto huridico di “vaderschapsverlof” y alabes hasi un analisis y comparacion cu otro paisnan den region y Europa.

Nos no ta na altura si e tema aki ta un prioridad riba e agenda politico. Teniendo diferente circunstancianan na cuenta y evaluando e desaroyonan politico nos ta asumi cu NO, mirando e falta di interes cu tin pa adapta y modernisa nos leynan social y laboral. Sigur esaki no ta hasi e tema aki menos importante of interesante. Segun cifranan di CBS un total di 1000 baby a nace den anja 2012, registra den e ultimo Censo. Nos codigo civil cu ta reglamenta acurdonan laboral (leynan laboral) ta permiti pa esnan cu lo bai bira mama por baha cu un asina yama “zwangerschapsverlof”. E futuro mama por hasi uso di su derecho den e ultimo etapa di su embarazo den combinacion cu un periodo despues di parto. E ley vigente ta un duna un “verlof” di un total di 12 siman. Pa mas detayes di e derecho di “zwangerschapsverlof” por lesa y analisa Art: 7A: 1614CA BWA.

Tur pareha cu recien bira



mayor sa cu e periodo aki ta un reto riba su mes. Mayoría bes e persona cu recien a bira mama no por atende cu tur e retonan su so y su condicion post- parto no ta duna pa e por regla tur cos y atende cu tur e tareanan domestico.

E ayudo pa e mama aki ta sumamente esencial y di balor agrega den e promer dianan despues di e parto. Si e tata no tey pa yuda, e mama lo por sinti cu e ta su so den e proceso y no ta sinti cu e tin e sosten necesario. Imaginabo si e tata tambe por tey pa cuida su baby y yuda e mama ora e baby ta recien naci. Ambos lo sinti cu nan ta importante pa e baby recien naci y por medio di esfuerso colectivo reparti e diferente tareanan cu tin. E presen-

cia di e tata sigur lo contribui na fortaleza di e famia. Actualmente tatnan na Aruba ta haya dos dia liber for di e momento cu e baby ta na cas. Saliendo for di e punto di bista di igualdad di genero y e importancia di e sosten di un tata den e prome dianan di bida di e baby, no por wordo nenga cu mester tin un construccion huridico cu ta regla “vaderschapsverlof”.

“Vaderschapsverlof” a wordo introduci 1 april 2013 na Aruba. Mester menciona cu e esaki no ta un construccion huridico desconoci ya cu na diferente parti di latino America, islanan den Caribe y Europa esaki ta wordo regla. Basa riba art 7A: 1614 cd BWA e tata cu ta casa of ta biba hunto cu e mama di su yui pa un periodo minimo di un aña ta bini na remarca pa ricibi dos dia liber cu pago, e asina yama “vaderschapsverlof”.

E dos dia nan aki mester wordo tuma den un periodo di 4 siman for di e momento cu e baby ta na cas. Mester enfatisa si cu tin un condicion mara na dje. E condicion ta cu e pareha mester ta inscribi na e mesun adres cu e baby. Pa ilustra e discrepancia den e dianan di vaderschapsverlof entre dife-

rente pais nos a compila a siguiente grafico:

E pregunta na comienso di e articulo aki tawata : dos dia liber pa e tata en conexion cu nacimiento di su jiu ta suficiente den e tempo aki? E contesta riba e pregunta aki ta keda na cada un ciudadano, instancianan social, gremionan laboral y esnan encarga cu asuntonan social y labor pa duna atencion na e tema aki.

E articulo actual ta dunando cada tata dos dia liber. Loke kizas por pisa ora di evalua si e ta keda mescos of cambia ta e consideracion cu union familiar durante e momento di wordo bendiciona cu un baby ta hopi importante mes.

E presencia di e tata lo tin un balor imaterial pa e mama e di e baby y sigur e lo percura pa fortalece e famia durante e dianan special aki. E sosten emocional necesario di tata pa e mama tambe ta importante.

E tata lo por alivia e presion di e mama, pa e motibo cu e lo por tuma algun tarea domestico bou di su encargo. Nos por conclui for di grafico cu Aruba ta pertenece na e paisnan cu ta duna relativamente poco dia di vaderschapsverlof na e tatnan. Tin critica for di e comuni-

dad riba esaki.

E tema aki merece un estudio profundo y no tin duda cu mester adapta esaki. Tin diferente motibo valido pa amplia e dia nan di vaderschapsverlof, manera nos a menciona caba entre otro:

- Presencia di e tata ta fortalece e laso familiar
- Alivia e presion riba e mama, pa motibo cu e mayornan por reparti e tarea nan relaciona cu e baby of trabounan domestico.

- E tata por ta un sosten emocional pa e mama di su yiu despues di parto, esaki por alvia e asina yama “post-bevalling depressie” Vaderschapsverlof na Hulanda

Na principio Hulanda tawata conoce un vaderschapsverlof di 2 dia y cu posibilidad di ricibi 3 dia adicional despues di e parto. E dunador di trabou no mag di nenga e dianan adicional aki. Desde 1 januari 2019 y e introduccion di e ley ‘Wet invoering extra geboorteverlof’ e tatnan lo haya mas dia paga. Un persona cu por ehempel ta traha 4 dia pa siman 8 ora pa dia lo bini na remarca pa un totaal di 32 ora di verlof. Pero e oranan aki mester wordo tuma den e prome 4 simanan di nacimiento di e yiu.

Nos kier conclui e articulo aki cu e siguiente pensamiento. E rol di tata tambe ta uno importante den un relacion. E laso entre e baby y su tata tambe mester haya su balor y wordo concretisa den nos leynan.

Manera nos a remarca caba ta keda na cada un ciudadano, politiconan, instancianan social, gremionan laboral y esnan encarga cu asuntonan social y labor pa duna atencion na e tema aki. Nos ta recorda comunidad cu Tienda di Ley ta sirbiendo comunidad tur diasabra entre 3 pm – 5pm na Cas di partido AVP.

Autornan:
Wendrick y Wendert Cecilia & Gerick Croes

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

drs. Mervin Ras:

E gobierno disfuncional aki ta perhudica nos pueblo

Segun parlamentario Mervin Wyatt-Ras e gobierno aki ta un gobierno disfuncional. Esta cu e gobierno no ta focus riba su metanan y no ta realizando su metanan. Paso gobierno a priminti hopi cos. E metanan cu ela bisa pueblo cu e lo ke logra pa e cumpli cun'e durante gobernacion te awe e no ta cumpliendo cu nan. E gobierno aki a priminti nos pueblo cu e lo aumenta e poder di compra, cu tarificanan di awa y coriente y gasoline lo baha, edad di pensioen lo baha, lo baha e cantidad di minister-nan, lo baha e gastonan di gobierno y lo bin cu diferente proyecto. Sin embargo gobierno ta blo tilda gobierno anterior di locual e no por cumpli cun'e anto continuamente uza cu tin debe of mega-debe sin embargo ta sigui subi su gastonan y no ta tene cuenta cu e dolor di nos pueblo. Gobierno no ta carga su responsabilidad. E ta keda tira culpa riba gobierno anterior. Envez cu nos ta bai padilanti nos ta bai patras. Por tuma nota cu inflacion envez di baha a subi. Na 2017 e tabata 0.5% y a subi te 10%. E poder di compra di nos hendenan a baha. Un famia cu ta consisti di un persona tabatin mester di 2000 florin pa sobribibi mientras awendia e mester 2300 florin pa biba. Un aumento di 300 florin. Un famia di 4 persona tabatin mester 4300 florin pa sobrevivir mientras awor e mester di 4900 florin, esta un aumenro di 600

florin. Por bisa pues cu e gobierno aki no ta yudando nos hendenan pa nan bai dilanti. E gobierno aki a ganja cu e debe nacional tabata 97% di nos GDP mientras esaki no tabata corecto. Pues Gobierno aki den dia cla ta ganja nos pueblo. Esey ta disfuncional, ora bo ta ganja, ora bo ta manipula, ora ta set up full problema pa culpa otro y no ta logra realisa metanan cu mester tin pa comunidad. Si tuma nota di medidanan tras di medidanan por menciona redoblacion di BBO dor di cual gobierno a saca for di cartera di nos hendenan 130 miyon florin. Pa loke ta trata e prijs di awa y coriente a bai halto esta 10 miyon, accijns riba gasolin, accijns riba tabaco y alcohol tambe a subi na 10 miyon, BAZV 87 miyon, grondbelasting 14.5 miyon. Pues gobierno ta saca hopi placa for di cartera di nos hendenan. Ainda falta sugar tax y otro medidanan di belasting. Minister di finanzas cu no ta carga su responsabilidad ta busca IMF pa yuda drecha belasting y duna asistencia pa cu personal. Dus IMF lo wordo uza pa kita nos hendenan foi trabou. Ta trata di 300 pa 500 personal. Esaki ta disfuncional. Tuma medida y ganja of skonde tras di otro hende pa no asuminan responsabilidad. Otro ehempelnan di disfuncionalidad ta e minister di ensenjanza cu continuamente ta den discucion y pleito cu maestronan. Continu-

amente e ta perhudicando nos maestronan pero tambe nos muchanan. Paso envez di comunica y hunto yega na acuerdonan conhunto e ganja y bira palabra. Hasta a kita asuntonan di Trai Merdia foi su encargo pa duna Evelyn Wever-Croes esaki.

E minister di Transporte tambe no ta para na Aruba y dor di esaki a cumpra busnan sin chek dor di cual e busnan no ta coriendo dor cu e airconan no ta trahando bon. Gobierno alavez ta keda cumpra produccion caro, autonan di luho, ta biaha paisnan leu, ta bishita cierto congresonan den exterior cu ambtenaar mes por representa pais dignamente mirando e bon experticio, fiestanan cu ta wordo organisa, friends and family cu ta wordo nombra continuamente, rumanan, primo, prima, guy di yiunan, te hasta bysides. Tur esaki ta disfuncional. Otro ehempel ta

e ley di LAFT. E ministro presidente hunto cu su parlamentarionan a gang up pa bin cu amienda paso semper e tabata contra LAFT, awor aki e mes ta esun cu ta nenga di bekrachtig e ley aki pa e dreña den funcion. Ta den nos memoria ainda ora cu gobernador no kier a firma un begroting y cu minister presidente e tempo ey a protesta, a haci bofon di dje, a schwerch'e. Awe e ministro presidente ta manda riba Parlamento y no ta firma e ley y ta ganja Hulanda y laga su hendenan cai pa esey pa no haya un aanwijzing. Mientrastanto na Aruba ta gobierno ta controla Staten y Staten a bira marioneta di ministro presidente y su mentiranan pa saca curpa. Esaki ta un bon ehempel di un gobierno y tambe un parlamento disfuncional. Un otro asunto ta

e leu di Serlimar cu tin henter in discucion den coalicion al respecto. Trahadornan a manifesta y a bin na Parlamento. Durante tratamiento di e ley e minister presidente ta sinta na banda di e minister encarga cu infraestructura henter dia pa controla su hendenan pa nan vota pa e ley, pa por produci placa pa bai pa un incinerator di 300 miyon. Ta sconde facts pa no duna e informacion corecto. Sin respet pa esnan di nan coalicion cu tin un otro opinion. Nan ta schors e reunion y eyan e Presidente di Parlamento ta hunga mee cu nan Esaki net promer cu un colega lo bai papia y cu nan ta sospecha cu e lo por ta contra pa silencia e colega aki. Paso nan no kier pa e vota contra di e ley aki. Dus atrobe e minister presidente ta muestra su dobbel cara y su mando ariba Parlamento y presidente di Parlamento. Esaki ta otro ehempel



di disfuncionalidad. Nos hendenan a cuminsa ripara esey. Nos maestronan tampoco no por mas cu e situacion disfuncional di gobierno y a cuminsa protesta. Gobierno no ta sincero, no ta cumpli cu su promesanan, ta ehecutado proyectonan di gobernacion anterior, pues un gobierno disfuncional. Gobierno mester trek su conclusion y si e ta asina disfuncional e mester hala un banda y laga otro goberna.

Asadero San Cristobal na Sta Cruz Tur merdia cuminda cayente...



Pica Pollo - Medio Pollo
y hopi cuminda mas

PA PEDIDOS
Tel. 566-0319
Whatsapp Cel. 566-0319

Habri te nochi..

TA HUUR

Apartament full muebla 2 slaapkamer,
airco, alarm, paga bon

Exclui: awa,wifi, ecotech,cable
Pa 2 persona : no kids, no pets

Tel:585-5521 * Cel:565-3228

SERVICIO Y COMPRA



**Santa Cruz
BARBERSHOP**
Mon-Fri: 8AM-9PM • Sun: 9AM-6PM
T1.600-6673 • T2.592-1880

Cilantro's Grill Menu

Breakfast - Lunch - Dinner

CUMINDA CRIOYO
Sopi di Dia Special
Pa Pedidos: 594 0635



Maduro Heavy Equipment N.V.

Pa tur tipo di santo, piedra y graniet
Pa trabao di rosamento y cobamento
di fundeshi of Pos

Tin special riba diasabra

Rooi Bosal 49

Tel: 5851708/5943207/5931608

POWERLIFTING • BODYBUILDING

WARRIORHOUSE

GYM



Situa na
Santa Cruz 266
Tel: 566-4478

TA FURA

MATRAAS, MUEBLES,
STOEL DI AUTO
ORANGE MATRAAS FABRIEK
HOPI DESCUENTO
40% Y 50%,
MERCANCIA NOBO
TARABANA SOLO 5
593-4387 OF 588-7468

SOLO

BRIYANDO FUERTE • TRECIENDO CLARIDAD

Di Pueblo

PA TAXATIE DI CAS Y PROPIEDAD

TUMA CONTACTO CU

CERA ARUBA

TEL: 561 5643

Abona na **SOLO** Di Pueblo awor!

Yama 585-9500 of

e-mail nos na solodipueblo@gmail.com

Tur marduga nos ta entrege den bo porta di cas!

Noticia cayente, ta aki bo ta haye!

Robert Candelaria:

“AUMENTO DI COSTO DI BIDA TA TRECE AUMENTO DEN PROBLEMANAN SOCIAL”

Diahuebs durante e conferencia di prensa di AVP a hiba palabra Parlamentario Robert Candelaria kende a elabora riba diferente tema. “Nos ta bibando den temponan difisil pa nos pueblo. Pueblo kier mira solucion pa su dolornan, y esaki ta e caso den hopi area di e bida diario. Trabou di e politico ta pa señala cosan cu no ta bay bon y trece esaki na conocimiento di pueblo y di gobierno pero tambe pa yuda busca mehoracion. Nos tin un gobierno cu no ta gusta scucha, ni di su mes hendenan, cu no por simpatiza cu dolor di pueblo, y esey tin nos caminda nos ta awor.”

E Parlamentario a señala cu comunidad ta wordo confronta cu hopi dolor y un ehempel ta e forsa di compra ta bayendo atras rapidamente. Cifranan di CBS ta muestra cu entre december 2017 y augustus 2019 e forsa di compra di pueblo a cay drasticamente. E presupuesto cu 2 aña pasa tabata suficiente pa un cas cu 1 persona so of e presupuesto pa un cas di un famia di 4 persona a crece barbaramente. Pa e cas di 1 persona so, su presupuesto pa por sobrebibi, a aumenta di december 2017 pa augustus di e aña aki cu Afl 300. Pa e famia di 4, e presupuesto aki a conoce un aumento ainda mas grandi di Afl 600 pa luna. Tur esaki a tuma luga den un tempo na unda no tabatin aumento di entrada. Ya hopi hende no por carga e aumentonan aki y “nos a nota cu dialuna ultimo e pueblo di San Nicolas a cuminsa bati alarma cu nan no por sigui asina. No ta San Nicolas so, pero tur bario ta bisando nos e mesun cos.”

E perdida di e forsa di compra no ta bin sin mas, segun e Parlamentario. Y e ta bay combina cu otro retonan cu e pueblo ta pasando aden. “Hopi biaha e aumen-

to di costo di bida, ta trece cun’e un aumento den problemanan social. Si un famia ta gana suficiente placa pa biba, e riesgo pa miembronan di e famia bay den mal caminda ta mas chikito. Ora cu bo no ta logra haya suficiente entrada, e escenario ta cambia y por tin como consecuencia un inclinacion pa criminalidad, negligencia di nos hobennan y otro problemanan social cu tambe ta aumenta.”

Perdida di poder di compra tin consecuencia negativo pa sociedad. Y ehempelnan di esaki por mira den enseñansa y tambe den husticia. “Tur ora cu mi papia cu hendenan den field di husticia y den enseñansa mi ta tende ehempelnan con nos profesionalnan ta wordo confronta cu casonan hopi difisil pa deal cun’e. E relacion entre problemanan social, familiar, financiero y hudicial ta bira cada dia mas bisto.”

E ta un tema cu Candelaria ta bisa di a studia hopi durante campaña, a traha riba plan di prevencion di criminalidad. Su pensamiento ta cu combati criminalidad so, sin trece cambionan pa mehoracion door di inverti den prevencion, ta mescos cu carga awa hiba lama. Mescos cu den e area di husticia, e mesun principio di prevencion aki ta aplicabel den area social tambe. Mester traha dilanti di e problema pa evita cu e problema ta bira un realidad.

E ta haya cu criminalidad ta bay man den man cu prevencion di problema den e area social. Gobierno mester busca forma pa fortalece e forsa di compra di esnan cu ta wordo afecta mas tanto den comunidad. Esey ta un di e miho formanan di prevencion pa comunidad actualmente. Na mes momento mester traha riba Prevencion di problema social riba mas front pareu. Casi semper



por nota cu ora negligencia e situacion den e area di forsa di compra y den e area social, e ta bira un problema pa husticia. Esey semper ta unda e problemanan ta culmina. Husticia mester deal cu e consecuencianan di e otro areanan cu no a funciona manera debe ser. E miho prevencion cu ta existi den e area social ta famianan stabiel y un bon con-

trol social. Control social ta ora cada ciudadano tin bista riba esnan rond di dje y ta yuda cuida otro. Ora un hende nota cu algo ta fuera di normal cerca esnan rond di dje e ta hasi algo pa yuda catch, cuida of guia esun cu e ta mira na peliger. Aki gobierno por hunga un rol importante pa informa y educa pueblo con pa realisa esaki.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

BBQ 
DI NESTOR

Siribana 45a na “Sta Cruz”



☎ 7497071 OF 5690131

PRONOSTICO DI TEMPO VALIDO TE DIALUNA 28 DI OCTOBER 2019

COMPILA:

DIADOMINGO 27 DI OCTOBER 2019 17:00 (21:00
UTC)

TEMPO:

AWE ANOCHI: PARCIALMENTE NUBLA I GENERAL-
MENTE SECO
DEN MARDUGA I MAYAN: PARCIALMENTE NUBLA
CU LOCALMENTE UN AWACERO BREVE.

TEMPERATURA MAXIMO 31 GRADO CELSIUS
TEMPERATURA MINIMO 26 GRADO CELSIUS

BAHADA DI SOLO : 6:15 PM
SUBIDA DI SOLO : 6:32 AM.

BIENTO:

FOR DI GENERALMENTE DIRECCION OOST I
MODERA TE BASTA FUERTE;
FORSA 3 TE 5 (12 TE 39 KM/ORA, 7 TE 21 NUDO)
DEN DIA POSIBLEMENTE FUERTE DEN RAFAGA;
FORSA 6 (40 TE 50 KM/ORA, 22 TE 27 NUDO)

SITUACION GENERAL DI TEMPO:

DEN PROXIMO 24 ORA, HUMEDAD DEN REGION
LOCAL LO POR PRODUCI
UN AWACERO BREVE RIBA CIERTO PARTINAN DI E
ISLA.

CONDICION DI LAMA:

OLANAN DI LAMA LO TA FOR DI DIRECCION OOST
CU HALTURA DI 4 TE
LOCALMENTE 7 PIA. TA PIDI DOÑONAN DI BOTO
CHIKITO PA BAI CU
CAUTELA RIBA LAMA HABRI I ESPECIALMENTE
NA AREANAN DI COSTA
OOST TE NOORDWEST YA CU LABADERANAN FOR
DI NOORD- NOORDOOST
LO CUMINSA DRENTA AWANAN REGIONAL MAS
LAAT AWE I DIALUNA.
ESAKI LO HASI E LAMA POCO BRUTO I PA MOTIBO
DI ESAKI UN
AVISO PA BOTO CHIKITO TA NA VIGOR TE DIA-
HUEBS ATARDI 6'OR.

FENOMENONAN SPECIAL: NINGUN

TEMPO TROPICAL SIGNIFICANTE:

PABLO A BIRA UN HORCAN I TABATA MOVE
NOORD- NOORDOOST RIBA AWANAN DI
ATLANTICO OOST, NOORDOOST DI AZOREN I NO
TA UN PELIGER PA AREA DI CARIBE.

POTENCIAL DI AWACERO PA PROXIMO 24 ORA: 1 TE
5 MM;

LOCALMENTE ESAKI POR VARIA.

REGISTRACION DI TEMPERATURA (GRADO CEL-
SIUS) Y AWACERO (MM) DEN ULTIMO 24 ORA:

AIRPORT MAX 32 / MIN 27 / 0.0 MM

PRONOSTICO DI TEMPO PA PROXIMO TRES (3)
DIANAN:


PARSIALMENTE NUBLA CU LOCALMENTE UN
AWACERO.

BIENTO LO TA MODERA TE BASTA FUERTE FOR DI
DIRECCION GENERALMENTE OOST; POSIBLE-
MENTE

FUERTE DEN RAFAGA


TEMPERATURA (GRADO CELSIUS) MAX / MIN LO
TA: 31 / 27

SUDOKU



Sopi di Letranan

N I O A D O R N O M T N E F E X U I
N S I O O A H L V O P E U P U W A R
S M R A H R Y R T A G N C D O P L R
O E R N P B A R E D N A V A L J L A
C L O O F E L I C I T A C I O N E D
I C I R E L N X W P G A G S R S R L
C H S O T E N I V E O Y E R A G T A
N O T C G N E D J R O E E D S E S N
A R Y E V A H I R S B Y Y F A I E R
L F A B G E S O E R E L Y R T Q W I
L C L L O A G P O S C Y S O L W M G
I M Y O N L U H A T A U F T A E Y R
V Q M G E P A P Y R E I I S B A N Q
O Y E W G R O S Y X F B E A D A O U
S L K N O C H E B U E N A P O O K S



ABETO	BALTASAR	ESTRELLA	GORRO	NOCHEBUENA
ACEBO	BELÉN	FELICITACION	JOSE	PASTOR
ADORNO	BOLAS	GASPAR	LAVANDERA	REYES
ANGEL	CORONA	GIRNALDA	MELCHOR	VILLANCICOS

LIBERTINAHE SEXUAL TA CONDENABEL PA FIERNO

E nificacion di fornicacion. Den e di 9 Mandamento di Dios Tata ta bisa, pa no comete e pika di fornicacion.

E pika di fornicacion ta e relacion sexual prohibi pa Dios Tata, cu ta e pika di curpa y e ta condena hende pa fierno. E pika di fornicacion ta esnan cu ta biba den libertinahe sexual, parehanan cu ta biba companja sin casa pa Dios den e Sacramento di Matrimonio, esnan cu ta haci prostitucion, mamanan y tatanan soltero cu ta lanta famia den nan fornicacion sin casa pa Dios y esnan cu ta casa pa raad so.

Den Bijbel San Pablo ta adverti, 1 Corintionan 6: 18-20; "Huy for di e relacion sexual prohibi, cualkier otro pika cu hende ta haci, ta for di curpa, ma esun cu haci fornicacion ta comete pika contra di su mesun curpa.

Of boso no sabi anto, cu boso curpanan ta tempel di Spirito Santo cu ta den boso, cua boso a haja di Dios y cu boso no ta pertenece na boso mes? Pasobra boso a wordo cumpra cu un prijs hopi caro, pues glorifica Dios anto den boso curpa, cu ta di Dios." Na tur esnan cu ta biba den e pika di fornicacion, nan lo no drenta den e Reino di Dios, lesa den Bijbel loke Cristo Hesus ta bisa, Revelacion di Huan 21: 7-8 ta bisa: " Esun cu triunfa

lo hereda tur cos y lo Mi ta un Dios p'e y lo e ta un yiu pa Mi. Ma e cobardenan y esnan cu no ta kere y e abominabelnan y e matedornan y e fornicadornan y e hacido di bruhanan y e adorador di diosnan falso y e ganjadonan, nan parti lo ta den tanki cu ta cende cu candela y zwafel, cu ta e di dos morto." Den Bijbel Hebreonan 13: 4 ta bisa: "Laga bida di casa ser respeta pa tur y cana sin mancha, ma e fornicadornan y e kibradornan di matrimonio, Dios lo husga nan." E kibradornan di matrimonio, ta esnan soltero cu ta biba companja of ta casa pa raad cu un persona divorcia cu ta casa pa Dios den sacramento di matrimonio den misa, nan tambe lo ser condena den fierno.

Pasobra, e caminda di un persona divorcia mester keda habri pa Dios, pa nan por uni un dia y pa nan no bai biba den e pika di adulterio cu un otro persona. Pa un pareha por haci nan relacion sexual pa lanta famia, nan mester casa pa Dios prome den e Sacramento di Matrimonio den Misa, pa medio di un Sacerdote cu ta representa Dios como minister spiritual.

Den Bijbel Marco 10: 6-9 ta bisa: " Ma for di principio di mundo Dios a traha homber y muher. Pésey un homber lo bandona su tata y su mama y lo e uni cu su muher. Y e dosnan aki lo

bira un curpa, asina nan lo no ta dos mas, ma un solo curpa. Loke cu Dios ta uni, hende no ta permiti di separá." Den e palabranan di Dios aki, e pareha ta casa pa Dios den e Sacramento di Matrimonio den misa, nan lo bira un solo curpa den bista di Dios y den e matrimonio aki, e pareha por haci nan relacion sexual pa satifaces nan curpa y pa lanta un famia. Tambe den e Evangelio aki, Dios no ta reconoce divorcio, pasobra loke cu Dios a uni den e Sacramento di matrimonio, e pareha ta keda casa te na morto y no ta permiti pa hende pa divorciá.

Den Bijbel Marco 10: 11-12; Hesus ta bisa: "Ken cu bandona su muher y e casa cu otro muher, esey ta comete adulterio contra di su muher.

Y si un muher bandona su homber y e casa cu un otro homber, e ta comete adulterio." Den e Evangelio aki, si un homber divorcia di su senjora y e bai biba of casa pa raad cu un otro muher, e ta comete e pika di adulterio contra di su mes senjora cu Dios a uni nan. Y si e muher divorcia di su esposo y e bai biba of casa pa raad cu un otro homber, e ta comete e pika di adulterio contra di su mes esposo cu Dios a uni nan.

Den e Sacramento di Matrimonio di Dios, maske cu e pareha a separá of a di-

vorcia, nan ta keda casa pa Dios te na morto.

Pésey e pareha divorcia, nan mester purba di uni atrobe cu otro y nan mester laga e caminda habri y no pone ningun persona den nan bida divorcia bibando, pa nan por ta salvá y pa nan por biba un bida Cristian dunando nan yiunan un bon ehempel. Den Bijbel 1 Tessalonicensenan 4: 3-5

ta bisa: "E boluntad di Dios ta, pa boso bira santonan y huy boso di fornicacion.

Cu cada un di boso comportá cu su mes senjora den santidad y respet. No laga boso wordo hiba pa e mal pasionnan, manera tin hende ta haci cu no conoce Dios."

Un mensahero di Dios.

Diabierna, dia 1 di November ta celebra Fiesta di Tur Santo na Misa "Inmaculada Concepcion" Santa Cruz

Un dia pa reflexiona riba e bida di santonan; hendenan di carni y weso, sernan humano. Kico nan a haci diferente pa gana Gloria di Señor? Busca Dios, profesa nan fe, cambia nan bida di debilidad, yuda prohimo, comunidad y e anhelo pa biba den presencia di Dios.

Pastor Jairo Maduro ta invita tur cu kier sa mas di e bida di Santonan pa asisti na Misa, diabierna, dia 1 di november pa 7:00 di anochi.

"Ken por drenta Su tempel santo? Esun cu ta limpi, den su echo y pensamiento, cu no ta core tras di cosnan mundano". Salmo 24, 2.

Paz y bendicion di Dios sea semper cu boso. Fraternalmente,

Diasabra, dia 2 di November – Misa na honor Tur Defunto na Misa "Inmaculada Concepcion" Santa Cruz

Esaki ta e dia cu ta recorda tur esnan cu a bay dilanti pa un bida miho. Pa cristiannan creyente, morto no tin e ultimo palabra, pasobra difuntonan ta destina pa un resurreccion glorioso pa biba cu Cristo Resusita den tur eternidad. Fe den promesa di Dios, cu tin bida eterna ta loke ta consola y conforma tur esnan cu a perde un ser stima.

Famianan corda riba bo defuntonan, bishita nan graf/kelder regularmente, mantene nan luga di sosiego limpi, hiba un flor y haci oracion pa nan descanso eterno. Diasabra, dia 2 di november, cuminsando pa 6:30 di atardi lo tin un procesion riba e parking lot dilanti entrada principal di Misa. Lo sali den procesion cu un caha di morto simbolico cu tin envelop cu nomber di defuntonan pa kende famianan a laga haci misa. Bin cu portret di defuntonan stima pa Pastor lo bendiciona nan durante misa. Pastor Jairo Maduro ta haci un invitacion general na tur famia pa asisti na e Sacrificio di Misa pa honra nan difunto. "Si nos muri cu Cristu, nos lo biba cu n'E. Si nos persevera te na fin, nos lo reina cu n'E".

II Timoteo 2:11-12A.

Paz y bendicion di Dios sea semper cu boso. Fraternalmente,



CLASIFICADO

e-mial: solodipueblo@gmail.com Cel.585 9500

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza
Cado Wever

Cu inmenso tristeza pero conforme cu Dios su voluntad, nos ta anuncia fayecimento di mi casa, tata, welo y bisawelo stima:

Sr. Agrepino Maduro

mihor conoci como "Capito"

*23-06-1930 - †23-10-2019



Na nomber di su:

CASA: Ebia Maduro-Croes

Yiunan: †Roberto Maduro

Lucia y Ronald Maduro-Maduro

Nietanan stima:

Lucienne Maduro y Carlton Ho-Sing-Loy

Ameline y Samir Zambrano-Maduro

Lusheska Maduro

Bisanieto(a)nan stima:

Luanny, Mason y Liam

RUMANNAN:

†Martina y †Luis Maduro y yiunan

†Silvio Maduro

†Efraim Maduro y yiu

†Ale Maduro

Benito y Chichi Maduro-Croes y yiunan

†Cecilia y †Poy Gomez y yiunan

CUÑANAN:

†Sixto y Maxima Croes-Maduro y yiunan

Aura y †Eti Vrolijk-Croes y yiunan

†Pedro y †Myrna Croes-Maduro

CONSUEGRO:

†Fritz y †Doris Maduro-Croes y yiunan

FAMIA:

Rafael y Sandra Zambrano y famia

Fifi y Carla Ho-Sing-Loy y famia

Mabel Duque Jordan

Sobrino(a)nan, primo(a)nan, comer y compernan, ihanan, amigo(a)nan, tur su bon bisñanan y amistadnan, su ex-coleganan di LAGO.

DEMÁS FAMIA: Maduro, Croes, Vrolijk, Zambrano, Ho-Sing-Loy, Gonzalez, Thiel, Werleman, Frenellin, van der Biest, Flanegin, Wever, Rasmijn, Lampe, Lopez, Geerman, Wernet, Mejia, Wong, Gomez, Rosel, Duque Jordan, Teran.

Condolencia y acto di entierro ta tuma lugar dialuna 28 oktober 2019. Nos defunto stima lo ta reposa for di 11or di mainta na cas Macuarima 7-B y despues saliendo pa Misa Inmaculada Concepcion na Santa Cruz for di 2or pa 4or di atardi. Despues lo sali pa Santana Catolico na Sta Cruz.

Si encaso den nos tristeza nos por a lubida algun persona of famia, nos ta pidi nos mas sincero disculpa.

FIESTA DI SAN HUDAS THADEO NA MISA INMACULADA CONCEPCION SANTA CRUZ

Dialuna dia 28 di oktober 2019 ta fiesta di San Hudas Thadeo, "E SANTO DI ESPERANSA", Patrono di esnan desespera i di casonan dificil. E anja aki ta di 36 anja cu nos a re-activa e debocion na San Hudas Thadeo.

Pa 6.00 p.m. nos ta resa e Santo Rosario na honor di Mama Maria. Nos ta resa pa combercion di pecadornan, pa crecemento di fe, bendicion i paz pa nos dushi Aruba cu ta pasando den hopi problema i pa paz mundial.

Pa 7.00 p.m. ta sigui un Santo Sacrificio di Misa como accion di gracia pa tur fabornan risibi. E Santa Misa ta wordo canta pa coro "Vlam di Amor". E dia aki ta un bunita oportunidad pa tur esnan cu a haya sanacion i judansa den nan necesidad pa gradici Dios na prome lugar i San Hudas Thadeo pa Su intercesion.

Patoor Jairo Maduro i Grupo di Oracion San Hudas Thadeo Santa Cruz ta invita cordialmente tur deboto di Mama Maria i San Hudas Thadeo, tur gruponan di oracion di Santa Cruz i pueblo di Aruba en general pa asisti na e Santa Eucarestia. Asina nos por manifesta nos Fe den Dios i Comunión di Santonan.

Bini uno, bini tur.

Abona na  awor!

Yama 585-9500 of

e-mail nos na solodipueblo@gmail.com

Tur marduga nos ta entrege den bo porta di cas!

Noticia cayente, ta aki bo ta haye!

ORACION DI DIA

Un feliz siman bendiciona ruman- nan cu hopi gracia di Dios

Hesus a subi sero pa resa..... El a yama Su discipelnan y a scohe diesdos cu El a yama Apostel" (Lucas 6, 12b.13b)

Hesus ta mostra nos awe, e importancia di oracion prome cu tuma un desicion, tambe cu ta Hesus mes ta scohe nos pa sigui Su Pasonan di Amor y cumpli cu Su Mision. Esey ta motibo di alegria y na mes momento tambe pa para keto un rato y wak con mi bida ta y puntra mi mes, cuanto biaha Hesus a yama mi, anto mi a negligia y of ignora Hesus pa motibo di berguensa of miedo? Digno pa sirbi Hesus ningun di nos ta, pero danki na Hesus Su Misericordia, esey no ta un exigencia pa sigui Hesus! Hesus ta pidi pa nos ta humilde y trata otro cu amor y pa nos tin e deseo di biba un bida di Santidad, anto e mas bunita ta cu Hesus mes ta yuda nos pa medio di Spirito Santo "E Paraclito" cu segun Promesa di Hesus lo ta cu nos te na fin di tempo. Whaaww ki muestra di AMOR mas grandi Ruman. P'esey apesar di tur cos cu ta pasa den nos bida, semper semper nos tin un motibo pa gradici Hesus cu ta stima nos sin limite alguno, sino cu puro AMOR!

Oracion: Mi Dushi Hesus, ami, un pecador ta tribi hala un tiki mas cerca pa pidi pordon y Misericordia pa cuanto bes cu mi no ta scucha Bo yamada y ta sigui mi caminda manera nada. Danki pa sigui yama mi y duna mi curashi y forsa pa ta humilde y pone mi mes disponibel pa bira Bo sirbido y ta un refleho di Bo Amor Incondicional pa humanidad.

Amen.

LIDER DI FRACCION DI MEP MESTER MUSTRA MAS SERIEDAD PA EHECUCION DI PLAN CRISIS SOCIAL

Miembro di fraccion di AVP, Mervin Wyatt Ras, no por caba di compronde con lider di fraccion di MEP den parlamento, sr Rocco Tjong, ta mas dedica pa bin cu reaccion politico contra di su persona, na luga di analisa y busca e realidad di e maneho di Minister di Asuntonan Social. Den un forma publico durante di un conferencia di prensa, sr Tjong a cuestiona e profesionalismo di sra Wyatt Ras como experto riba tereno social y a pidi su persona pa bni duna sosten na maneho di Minister Glenbert Croes, pa cu e maneho di crisis social. "Ta na su luga pa e tempo cu lider di fraccion di MEP ta hinca pa contradeci declaracionnan cu mi persona a haci durante di conferencia di prensa, ta muestra e berdad di e plan di crisis social di e actual gobierno.

Esunnan yama pa actua na interes di pueblo como representantenan di pueblo den Parlamento, a converti nan mes den defensor di gobierno. E mesun gobierno cu den nomber di pueblo, nan tin cu cuestiona pa defende interes di pueblo.

Loke a hala mi atencion ta e hecho cu Rocco Tjong den su afan pa defende e plan di gabinete Wever Croes, ta confirma e preocupacion di nos fraccion pero tambe di CFT pa loke ta e fondo social cu tin poni un banda pa Minister atende cu e crisis social cu lo tin. Den su propio palabranan sr Tjong a muestra cu ya caba tin 51 persona a wordo tuma den servicio di gobierno pa ehecucion di e proyecto aki y tambe a menciona cu tin un suma di 4.5 milyon

aparta pa salario, di cual ya caba a gasta 1.5 milyon di e post aki. Den e grupo di trahadonan aki cu a wordo tuma den servicio a menciona contratacion di algun experto y si nos asumi cu lo tin 10 pa 15 experto cu lo a drenta servicio pa ehecucion di e plan aki, ta keda e pregunta kico e otro 36 empleadonan lo ta haciendo.

Aki mi persona kier a mostra e lider di fraccion di MEP, cu no ta mi persona y fraccion di AVP so tin duda den henter e social crisisplan aki, pero tanto CFT como gobierno di Reino tin duda den e intencion real cu gobierno y e Minister tin cu e plan aki.

Si enberdad despues di tempo cu gobierno a pone e fondo aki disponibel pa e plan di crisis social aki, a mira progreso of resultadonan positivo e ora lo tabata dificil pa tanto CFT como gobierno di Reino pone duda rond di henter e fondo y e plan. Sin embargo esaki no ta e caso. Tin un cantidad di instancianan cu no ta hayando e ayudo cu nan a ser priminti paso zogenaamd nan no ta cumpli cu cierto criterionan. No ta berdad tampoco cu Wyatt-Ras lo ta critica trabou di profesionalnan riba tereno social. Wyatt-Ras semper a y ta enfatisa cu veld social a y ta traha cu curazon y promer cu e gobernacion aki no tabata involvi cu politiconan. Wyatt-Ras kier pa esaki keda asina. Mientras awor ta cierto personanan lia na politica ta dicidi den un comision si un instancia ta haya un suma pa ehecuta su proyectonan. Esaki no ta un bon desearoyo.

Prome Minister Evelyn Wever Croes recientemente a confirma



c'un di e 'aanwijzing' cu CFT a recomenda Consejo di Minister di Reino pa duna gabinete Wever Croes, ta relaciona cu e crisis plan social aki di gobierno ya cu ningun momento gobierno por a muestra cu ehecucion di e plan aki ta riba e bon caminda. Al contrario nos fraccion ta di opinion cu si e plan aki tabata asina bon manera sr Tjong ta pretende cu e ta, nos ta sigur cu Hulanda y CFT lo duna nan aporte na esaki sin pensa dos bes pero e posibel 'aanwijzing' ta muestra net lo contrario. Mi persona ta kere cu e lider di fraccion di MEP no mester cuestiona e maneho di nos gobierno pa e situacion social, ya cu desde cu gabinete Wever Croes a asumi mandato di nos pais na 2017, e situacion social a drenta den crisis dor di tantisimo medidanan cu ta saca placa directo for di cartera di nos pueblo.

Contrario na esaki gobierno di AVP na 2009 a tuma como un di su prome decisionnan, di pone fondo disponibel, entre otro e 'reparatietoeslag' pa yuda esunnan di poco entrada, haya un espacio financiero pa nan por haci algo mas cu nan entrada.

Nos gobierno a aumenta onderstand, a aumentar salario minimo, a duna esunnan cu poco entrada placa pa scol, a drecha scolnan rond Aruba invirtiendo miyones

di florin pa mucha y hobennan haya un bon educacion. Gabinete Wever Croes den casi dos aña di tempo a pasa ranca tur esakinan for di mesun hendenan aki, castigando pueblo cu medida cu practicamente a anula tur e incentivos cu gobierno di AVP a duna na pueblo caminda cifranan concreto di CBS ta confirma esaki tambe cu tin un inflacion di cuminda di 12%.

Ta didicil pa Wyatt-Ras por cumpli cu peticion di Rocco Tjong pa sostene un plan di crisis social caminda su ehecucion no ta bai manera mester ta. Parlamentario Mervin Wyatt Ras ta pidi colega Tjong pa bin para bandi dje y cuestiona minister pa e yega na bon ehecucion di e plan envez di ciegame defende.



Abona na  awor!

Yama 585-9500 of e-mail nos na solodipueblo@gmail.com

Tur marduga nos ta entrege den bo porta di cas!

Noticia cayente, ta aki bo ta haye!